



南宋雜事詩



同治十一年九月淮南書局刊

國史綜其大綱野史補其缺略然傳聞失實不可盡信則一也如勝國愍帝遺錄載十七年三月甲辰李自成陷昌平州燬十二陵余核之實止昭定二陵西山口天下大師墳乃蒙古僧朱竹垞日下舊聞辨之極明屈翁山謁陵詩至指師爲建文君夫有明事其近者也猶難信如此況其遠者乎南宋遺事如亦齋程史放翁老學菴筆記東發日鈔草窗齊東野語之類皆記述詳核近而可據足以取信而行遠茲武林七子抗懷卓犖偉然爲儒林藝苑中人於千百年事協志摻遺因事系詩詩各百首其詞淒楚沈寔不堪卒讀而上繫廟廊下逮里閭言外顯垂法戒不當與程史筆記諸書永永傳信於

南宋雜事詩稿序

一

後世哉抑遺事之最鉅者莫如六陵蘭亭後天章寺前舊有冬青穴今寺僧滅其蹟爲寺地酷烈不下於楊髡姚江黃耒史嘗作蘭亭尋冬青記七子以闡微發幽爲已任其東渡錢唐一問之乎九沙萬經拜手序

吾杭自建炎南渡號稱帝都雖偏據規小顧厯七朝百五十餘年問事亦綦曠矣其載在潛說友咸淳志者視他書較詳猶不無舛漏余嘗欲就世傳單本證其瑕費而補其缺略別成一編名武林備志炳燭之光力未逮也錢唐沈欒城吳尺臯陳蔚九符幼魯趙功千厲太鴻趙意林相約爲南宋雜事詩大而朝廟宮壺細及閭閻風俗或取諸志乘或取諸稗史或取諸名家詩文集一篇之中或專舉一事或連綴數事網羅散逸鉅細不捐人各成七言絕句百首合七家之作得七百篇焉大抵絢者若霞錦淡者若雲煙領異標新目不暇給而今而後於故都舊事可無舛漏之憾矣乎綜其指歸在補田

南宋雜事詩查序

一

副使西湖志之未備洵田氏之功臣也嘗攷漢書藝文志雜家者流蓋出於議官兼儒墨合名法而爲言者也張河間亦云小說九百古秘書所掌其流實繁班氏刊之諸家於以見王治之悉貫小道之可觀然則雜事之什豈世之雷同勦說貴耳而賤目者所敢望其厓哉昔劉後村生當南渡時曾取中興以後諸家五七言絕句各選百首而江湖派諸人如姜夔趙蕃師秀徐照之流不在此數以今擬古殆將過之無不及也觀茲集者於事不厭其雜於辭則味其醇庶幾不失諸君立言之旨也夫南書房舊史官查慎行序

三十里西湖侈說金牛故事一百年南宋爭傳泥馬新
閨業是偏安勢同全盛君臣伏寢樓船則錦幕珠簾士
女駢闐燈市則遺鈿墮珥凌虛有閣澄碧爲池花繁靜
樂之堂樂奏載忻之館泉於何冷峰不能飛儼愚叟之
移山類神人之驅石若果舊殊可念頻嘗五嫂之羹奈
何本已都忘徒賽二郎之酒雙勝之連環安在漫誇聚
景延祥一杯之御醞未乾但見埋冤委骨而已嗟乎西
湖實水利之原不專游覽南宋有土崩之漸何事奢華
無數離宮過丘墳而指點難忘勝地對緗帙以尋探揭
奚斯共與纂修田叔禾別爲輯撰或搜羅之未備或委
屑而不收乃有羣賢用加博採叅百家之說以廣聰明

南宋雜事詩章序

一

摘一語之奇而資險詠筆歌墨舞劇當年鼓吹之歡粉
掠綃籠供此日賡酬之料絕句只廿八字合斗奎列宿
以羅胷全集共七百章開高孝盤遊之生面稗官野史
處處搜餘斷簡殘編時時覓得二三盞各甯嫌坐席之
分八九靡遺具識行都之槩紀天寶之遺事彷彿日下之
舊聞爰補志餘曷可少也嗟乎漢朝陵墓晉代衣冠松
栢薪摧梧桐葉落以竹枝之逸韵爲黍離之變風極南
宋所不堪與西湖兮何涉獨是一泓碧水有情亦老之
天四壁青山回首可憐之地誰能遣此尙忍言哉章藻
功序

凡例

一此編作者七人詩皆百首其間採摭故實各不相侔然或諸書紀載錯出亦可取以互證若書名雖別事跡則同者斯無取焉

一此編為補田副使西湖志志餘而作凡田志所有則避之或同一事而田志所錄未詳廣為蒐羅用資博覽其中或有牴牾隨事考訂非敢翻駁前賢亦述田先生未竟之志也

一杭郡古稱名區前人著述甚多此則以南宋百五十年事跡為斷其外不復闌入然於南宋有可發明者間亦採取亦有古今地理不同於杭郡維系者雖南

南宋雜事詩凡例

宋以上之書亦備參閱

一南宋事跡綦繁無係行都者槩不入咏故上自宮廟省寺下逮瓦市坊隅人物土風山川園囿以及職貢聘問之紛蕃學校科名之盛美圖史金石之流傳禽魚卉木之浩侈士女伎樂之嬉遊器玩服御之精麗仙梵方技鬼怪夢藝之誕幻鬼瑣甄綜掌錄略云備矣若夫晚季蒼涼感均頑艷庶幾乎風人之旨或不廢焉

一田志於西湖古跡名勝所錄詩古文辭饒於近代故此編綴述南渡諸賢居多所以使遺文之不終蕪沒爾

一 繙閱羣書幾及千種其遺佚不傳散見諸書者不敢濫登其目所以核實也至於家傳碑狀通列從朱竹垞太史日下舊聞之例亦志金石家所弗遺爾

一 簿錄家先經次史而史類則先正史繼以編年通史雜史此通考例也此編因紀南宋之事故以宋史居首凡係於史家者比類入焉次金次元次通史傳記別是一例地理原附史後并及碑刻皆於杭郡有關係故也經不多載惟南宋人所著或傳刻者間列一

二 與制度爲一類雖非通考舊例此所採擇固不專系於經次類書次說部次書目次書畫次物譜次詩話次題跋次詩文集次選錄彙及二氏九流雜著並

南宋雜事詩凡例

二

所以志遺聞故與諸簿錄登記者不同博識幸無譏焉

一 詩以紀事事卽注於下往往合數事以成一詩鱗次分注詳載書名并列總目於首登紀作者姓氏詩僅七百首而隸事幾數千條冀觀者因詩釋注或他日修郡邑志乘者於斯弗棄第辭意未工援據未確索瘢指垢願俟君子

余往來錢唐久心愛湖山之勝每輕輿小舫興至輒游
旗亭酒旆禪榻龕燈幾許低徊雖數十年歷歷在懷抱
問勝地之引人若是哉今年從吾友尺鳧問交於功干
意林兄弟因得讀諸君所倡和南宋雜事詩凡百五十
年之事一一釋其顛末遐搜冥索析考而滙編之如散
珠在盤貫繫於絲繩之上可舉指而便覽焉其有功於
茲土亦甚鉅矣余足跡半天下每遇邦之士大夫未有
弗樂道其風土者欲求其望古遙集如諸君者恡乎微
已清澗白長庚

細數南朝事於今五百年江山猶故舊花月尚新鮮漢
上題襟句東吳理釣篇古今紛倡和那得似羣賢江都

程夢星

南宋雜事詩題辭

千古茫茫白駒頃賴有筆墨留餘影歷數興亡何代無
行都此地饒風景七朝一百五十年江柳山花絕可憐
南內樓臺悲牧馬西陵風雨聽啼鴉其間多少繁華事
淒涼指出傷心地宮庭典禮雅堪傳委巷叢譚猶可記
臨安舊志有成淳周老密吳生自亦具陳後來田志多
舛漏誰翻舊事作新聞武林才子何奇矯千卷冥搜非
草草七人七絕七百章訂繆補亡功不小我來湖上步
遲遲春煙秋月憶當時銷沉故國三杯酒零亂南朝一
局棋須知妙句傳圖畫不比閑情賦竹枝一編雜事今
重譜恍惚盤游見歌舞偏安大事重討論更把零星紀

風土如君高唱復微噉世人那識其心苦我是清涼居士孫每聽話舊便聲吞試看七子蒼涼句一句能銷一縷魂吳興韓雲

昔南宋孝宗朝京尹周淙曾撰乾道臨安志十五卷書已散亡其目僅存於馬氏文獻通考後咸淳間京尹潛說友續撰郡志通一百卷雖後來之紀述周詳然不可謂無所本也余又從通考見有西湖古蹟事實一編乃紹興中錢唐進士傅牧所著其體增廣楊蟠百詠凡一百八十三目今其書久寂無聞古來載籍散亡皆因後人無與流傳遂使遺聞放失閱久而有識者起求其考究已藐不可得嗟乎古人何尤斯今人之不幸乎諸君

南宋雜事詩題辭

二

賦南宋雜事詩前以述古人後以啟來者此吾鄉之文獻也詩云乎哉胥山柴世堂

錢家宮殿趙家陵轉眼繁華感廢興不有才人追七子誰將詩史續千燈白蘇往蹟隨波逝楊郭遺編踵事增宋人楊公濟郭功父皆有西湖宮殿懷古揆奇頻歎息幾多名勝屬山僧蒼山碧水思無窮今昔池臺了不同蟋蟀感秋唵敗砌狐狸乘月矚離宮西陵車馬青松下南渡冠裳白塔中手把此編和淚讀斜陽衰草自悲風石倉吳允嘉

回首西泠十二橋雨花風葉恨蕭蕭前身盡是江湖客重別殘燈話七朝欵程鳴

杭地襟江帶海卽禹貢揚州之域前此載籍未詳至唐

以來始稱佳麗有宋紹興肇建行都依鳳凰山爲大內
而以西湖爲觀遊之地一時制畫規模悉與東京相埒
迨世易時移所謂故宮遺址祇荒煙蔓草動人悲涼而
已余曩時亦嘗憑弔託爲詩訝然止言其大槩今讀南
宋雜事詩鉅細畢該皆史乘所未備不特其詩華妙絕
倫而後之留心往事者亦藉以有考顧余老且病未得
與諸君角逐研北爲可恨耳東亭張奕光

乾坤恨幾許那得江花吟恨賦依約湖山翠嫵蚤鳳去
西陵鶻催南渡宮斜夜語歎舊情多未會譜千年後澹
霞怨臉看煞柳枝舞 淒楚重聽霓羽有七子鄴中才

侶珊瑚滄海網取盡硯裏黎雲賤啼蘭露水光翻野樹

南宋雜事詩題辭

三

自怕近花光小住

余家湖上近宋聚景園舊有花光亭

披衣起華胥一夢正在

鳥啼處右調霓裳中序第一紫山徐逢吉

西湖當山水之區南宋尙繁華之習迢迢禹迹比屋蟬

連廡周原提封鱗次一隅偏據謂萬年長王之郊半

壁偷安豈億載不遷之土春深樓閣到處雲煙永日郊

原繽紛綺組縱金人之辭漢專事嬉遊任玉馬之朝周

惟耽歡宴璧臺金屋巖辭連雲玉樹珠簾爛耀日昧

新亭之極目昵此湖山忘故國之傷心戀茲花月迺竟

處堂以燕因之罹網於鴻煙冷空宮咽蕭蕭之暮雨月

淪古榭閃瑟瑟之涼颺烏乎南渡君臣甘忘社稷中原

父老泣望旌旗歎麋鹿之來遊俱爲昨夢仍鳳凰之聲

時知是誰家輦道蒼涼鞠爲茂草歌臺闕寂響答梵鈴
古樹婆娑問遺松於何處層厓巖巖尙片石之孤罇凡
彼舊聞俱經紀載疎花病葉雖前事之增悽賸水殘山
悵遺編之未備淵雲墨妙爰綴碎金劉白詞妍各飛片
玉愴離宮之三十六所綜舊紀於百五十年作者七人
無嫌盍各詩皆百詠爲補遺亡較記室之名篇彼多挂
漏擬津陽之舊注此更淹通同里汪增

宋社旣屋南渡事蹟俱湮其雜見於志乘紀載諸書者
悉零棊子屑缺而未備予本鄞人僑居是地屢欲蒐討
勒成一編而遺文放失秘籍莫窺無已而闕市借人掌
題舌舐迄今數易寒暑尙未卒稟蓋然糠擁絮旣苦寒

南宋雜事詩題辭

四

瘠抗塵走俗又嗟鞅掌挾幽隱而窮浩博非獨力有所
難兼境有以奪之洵非誣也迺小山藏書充櫛負櫪而
諸君能於琴誦酒坐之餘讀破萬卷復取其有係於南
渡以來諸書凡如干種一一取而寓諸篇章攝徂影於
旣往傳散佚於後來讀之皆山川風土俯仰裴回之感
以砥竹枝楊柳罔裨世教所云虛車輪轅飾而弗庸者
不大有間耶昔杜陵以詩爲史袁宏左思以史爲詩若
諸君可謂能兼之者自惟淺陋不獲與擊戛筆硯間而
深喜聞見之可資於纂述也因識數語於簡端玉凡山
人陳撰

吾鄉田氏父子在明時擅淹貫之目僉事公嘗同五嶽

山人徧游武林諸山誤西湖游覽志及志餘觀者驚其
繁衍無敢異議至朱竹垞先生著詩話始有挂一漏十
之謂而比來者舊凋疎承學之士不暇深究亦莫知竹
垞先生之說爲何如也同學諸君恥之以南宋關於西
湖甚鉅各爲詩以續志闕如欽宗祔廟而志云不祀度
宗爲理宗姪而志云同母弟淵聖梓宮金人未經奉還
而志云楊髡發欽陵只鐙檠一枝有美堂在吳山而志
云在鳳凰山蘇小墓在嘉興而志云在西泠橋富景園
在百花池上巷而志云白花蛇散巷潮鳴寺高宗書東
坡詩而志云御製三茆觀賜牛鼎本劉宋孝建物而志
云漢建元鼎陸放翁過聚景園詩而志云玉津園白塔

南宋雜事詩題辭

五

有二而志以鎮南塔爲白塔裏湖堤本白沙堤而志云
白公堤此訂譌之最大者也德壽宮在望仙橋而志失
載四地分勝額張功父園在南湖而志失載桂隱百果
諸池館名寶奎寺在石龜巷而志失載見滄閣張循王
府在清河坊而志失載喬木亭楊和王府在癸辛街而
志失載流觴曲水之勝他若睦親坊志失載陳宗之故
居九里松志失載俞商卿故居蒲橋志失載楊萬里寓
居白龜池志失載朱少章寓居靈芝寺志失載朱文公
寓居李博士橋志失載李性傳寓居清湖橋志失載杜
仲高寓居水磨頭志失載姜白石寓居長橋志失載鄭
起水南半隱七寶山志失載王仲言寓居西馬塍志失

載宋伯仁寓居吳山志失載廉宣仲寓居此補亡之大
者也讀之雙眸豁然經行處輒興攷古之思惜竹垞先
生已歸道山不及見諸君之作爲僉事公一洒前說耳
同里金司農

絕句體有咏史論古事也有竹枝紀風土也有宮詞叙
禁掖也是編衆裁萃焉其間警句屬對則有堤上風開
及第柳山中春到狀元花別地拓彈驅鴉地高綴金鈴
放鴿天鴻太洛花總入南園去越果新從項里來國事已
荒藍貌鬼南人惟恃黑灰團賦在昔曾聞呼冷蓋至今
惟見說韓梨功紅頰香孩梳鵝角青鬢嬌女簇牙魚柳
堤紅舫宣魚戶煖殿春燈點蟹胥林意巧綴則有醫身醫

南宋雜事詩題辭

國皆司命星陷無如奴僕宮讖語何須憂鼎折元勳一
代在春秋城樂岳家昔與張家並今日韓家有賜田江上
竹光方快飲庭前何惜碎生菱功墻西措大窮寒甚只
讀江東陸氏書儒官諱道天飛雷祭酒應爲捕酒來鴻太
縱有迎康天賜兆都緣貴相產重瞳林意幽豔則有綠荷
障子臨秋水一穗疎花上草蟲魯幼趙家小景佳山水畫
上春衣雪色綾金錢買得秋多少秋傍玉人雲鬢來鴻太
樓中妝點嬌兒女荷葉新裁半臂紗手把輕羅還絮語
每逢三月病慙慙盡深閨兒女淚玉釵何處寄相思
林意啼痕染就紅心草誰葬金釵葛嶺東臧尺地上天宮春
九莫牡丹新插馬頭籃胎仙尙與鳴臯字故遣荒亭塑

鶴樓功悲楚則有淒涼望斷中天路朔雪橫空雁影稀

十景亭邊春事散風光老去舊樓臺攢宮已建容車出

萬國齊簪白柰花城樂誰知天上春生曲流入金源總淚

垂遷客墨痕蕭寺壁相逢生怕唱杭州九明月夜寒彈

怨語琵琶聲咽故宮秋林意木波不斷幽人怨梧葉聲中

蟋蟀燈尺淒涼老抱東都感猶譜金人捧露盤幼檀板

一聲雙淚落無人知是李師師鴻歌斷紅兜楊鐵史柳

絲風濛不勝春忍聽笛吹南來怨三十六宮秋草寒千功

鉅麗則有一尺繡茵塵不動退朝禹步寂無聲瓜果進

來消永日宮官小殿講中唐城樂潮沙築得平如席五輅

新從大禮來魯幼內門唱徹連珠諾珂繖搖心促那行千功

南宋雜事詩題辭

因有宵衣難晝錦白麻紅燭救摛文鴻太嚴正則有聞說

相公多睡語休將心學誤蒼生城樂可知故鬼依新鬼祜

室前頭已奉安不計本根江乘壘空教保護劔門山尺

芙蓉玉貌描添綫休遣君王怒淨師鴻太名孫死節留餘

美難洗當初老鳳姦九蔚風趣則有不信香山老尊宿玉

顏花貌坐蓮臺從今閣下乘龍聲莫解金刀與別人尺

一盞鶴飛消渴露軟屏風底笑夫人林意齒冷虛無新拜

號太師竹倚一枝紅郎君可是無金屋畫取湖山近臥

牀鴻太東風過了花飛盡不及銷魂有粉兒九蔚不道東風

花有主空教分帖野猫家千功雄壯則有笳鼓滿城馳鐵

騎伯顏江上看潮回城樂巫師但擊靈鼉鼓更有何人賦

大招尺白骨難爲補天石太行久已不能山九蔚如畫則
有劈開礮石尋微徑窗外江光一抹間鴻築得團蕉香
裏住野橋支杖一僧來桃花數萬隨流去恍在武陵源
上頭功幾處桑麻村舍外漁姑多住藕花洲林意柳絲高
颭紅旗小蘭棹平移妓樂來城昔唐人有選句圖余特
標出與覽者共之趙殿成

恭引

聖祖仁皇帝御定書目

御選淵鑒古文

御定淵鑒類函

御選四朝詩

御選四朝詞

御定書畫譜

御定廣羣芳譜

御定佩文韻府

南宋雜事詩目錄

御定佩文韻府

御定廣羣芳譜

御定書畫譜

御選四朝詩

御選四朝詞

御定淵鑒類函

御選淵鑒古文

聖祖仁皇帝御定書目

南宋雜事詩總目

沈嘉轍欒城卷第一凡一百首

吳焯尺鳧卷第二凡一百首

陳芝光蔚九卷第三凡一百首

符曾幼魯卷第四凡一百首

趙昱功千卷第五凡一百首

厲鶚太鴻卷第六凡一百首

趙信意林卷第七凡一百首

南宋雜事詩引用書目

宋史脫脫等

宋史新編柯維騏

宋史紀事本末張溥

續資治通鑑長編李燾

三朝北盟會編徐夢莘

中興小歷熊克

中興繫年錄李心傳

建炎以來朝野雜記李心

續宋中興編年資治通鑑劉時舉

宋季三朝政要

東都事略王偁

宣政雜錄江萬里

靖康朝野僉言江藻

靖康傳信錄李綱

靖康小雅

孤臣泣血錄丁特起

北狩見聞錄曹勛

南燼紀聞周燁

竊憤錄辛棄疾

南宋雜事詩目錄

南渡錄

建炎航海記李正民

建炎復辟記

中興聖政

中興遺史

思陵錄周必大

弔伐錄

乾清起居注周密

乾清歲時記周密

淳熙玉堂雜記周必大

孝宗儉德記

孝宗聖德事蹟張闡

四朝聞見錄葉紹翁

三朝野史林希

朝野遺紀

鞠堂野史

松漠紀聞洪皓

北轅錄周燁

攬轡錄范成大

燕翼貽謀錄王楙

宋詔令

宋會要范師道

玉牒初草 劉克莊

麟臺故事 程俱

帝學 范祖禹

奎章錄 趙升

東宮備覽 陳模

朝野類要 趙升

宰輔編年錄 徐自明

李忠定奏議 李綱

趙忠簡奏議 趙鼎

張忠獻奏議 張浚

韓忠武奏議 韓世忠

胡忠簡奏議 胡銓

玉山表奏 汪應辰

張忠定奏議 張燾

王忠文奏議 王十朋

周益公奏議 周必大

萬言書 劉黶

萬言書 吳仲

上甯宗皇帝書 華岳

趙丞相行狀 趙崇憲

韓蘄王神道碑 趙雄

張魏公行狀 朱文公

南宋雜事詩目錄

二

岳忠武遺事

岳侯傳

李忠勇公神道碑

金陀粹編續編 岳珂

王佐墓誌 陸游

王庶家傳

周益公年譜

南宋相眼 吳震

文丞相傳 龔開

文信公傳 劉岳申

陸君實傳 龔開

登西臺慟哭記 謝翱

心史 鄭思肖

宋遺民錄 程敏政

紹興十八年同年錄

寶祐四年登科錄

契丹國志 葉隆禮

金史 脫脫等

大金國志 宇文懋昭

大金集禮

歸潛志 劉祁

金小史 楊循吉

金國南遷錄 張師顏

劉豫事蹟

元史 脫脫等

元祕書志 王士點 商企翁

庚申帝史外聞見錄 權衡

大事記 呂祖謙

何氏備史

通鑑博論 明甯王

續資治通鑑 王宗沐

宋元通鑑 薛應旂

通鑑輯略 朱遜

史纂左編 唐順之

史緯 陳允錫

函史 鄧元錫

弘簡錄 邵經邦

弘道錄 邵經邦

稗史 仇遠

外史

逸民史 陳繼儒

古今彝語 汪應蛟

吳越世家疑辯 馬蓋臣

錢氏私誌 錢世昭

南宋雜事詩目錄

三

宋名臣言行錄 李幼武

列代臣鑒 明宣宗御製

臣鑒 蔣伊

分省人物考 過庭訓

兩浙名賢錄 徐象梅

諡法通考 王圻

萬姓統譜 凌迪知

經世奇謀 俞琳

十國春秋註 吳任臣

武林耆舊傳 吳允嘉

元和郡縣志 李吉甫

太平寰宇記 樂史

輿地紀勝 王象之

輿地廣記 歐陽忞

明一統志 李賢等

方輿勝覽 祝穆

寰宇分合志 徐樞

寰宇通志 陳循等

名勝志 曹學佺

地理指掌圖 桂萼

吳越備史 范梈 林昉

東京夢華錄 孟元老

良岳記 張湫

咸瀉臨安志 潘說友

行都紀事 陳晦

夢梁錄 吳自牧

武林舊事 周密

都城紀勝 耐得翁

古杭雜記 李有

古杭夢遊錄

南宋故都宮殿記

南宋行宮考 陳隨應

南宋行宮考 徐一夔

禁扁 王士點

武林市肆記 周密

湖山勝槩 周密

武林遺事 吳樂間

浙江通志 薛應旂

浙江通志 趙士麟

成化杭州府志 夏時正

萬厯杭州府志 陳善

杭州府志 馬如龍

錢唐縣志 聶心湯

錢唐鈔志 吳農祥

錢唐縣志 魏暉

仁和縣志 趙世安

西湖志 章之采

武林梵志 吳之鯨

西溪梵隱志 吳本泰

靈隱寺舊志 白珩

靈隱寺志 孫治

靈隱遺事

雲棲寺志 釋祿宏

淨慈寺志 釋大壑

天竺寺志 釋廣賓

永興寺志 黃汝亨

湖壩雜記 陸雲士

湖曠 朱中有

浙江潮候圖說 宣昭

見潮論 楊魁

海塘記 黃光昇

名山記 都穆

游名山記 何鏜

名園記

會稽志 施宿

會稽續志

張誤

淳熙三山志

梁克家

新定續志

錢可則

入越記

呂祖謙

景定建康志

周應合

續成都記

王剛中

入蜀記

陸游

洪武蘇州府志

盧熊

正德姑蘇志

王鏊

毘陵志

朱昱

榕城三山記

徐獻忠

古括遺芳

鄭宣

吳興掌故

徐獻忠

湖州府志

程暈

湯陰縣志

楊循吉

紹興府志

張元朴
孫鑛

金山志

楊循吉

全遼志

王禘
畢恭等

西湖放生池碑

王隨

南宋雜事詩目錄

武彝山記

劉夔

廣壽慧雲寺碑

史浩

興福禪院碑

周邦

報國禪院碑

錢受益

金龍山聖蹟碑

陳繼儒

紹興煙霞洞題名

朱希正

潮鳴寺碑

孫本

咸洵石屋題名

賈似道等

熙甯石屋題名

陳襄等

三茅觀摩崖牒文

賈似道等

咸洵龍泓洞題名

賈似道
林黃中

禮記集說

衛湜

周易經傳集解

林黃中

韓李論語筆解

黃榦等

皇祐新樂圖記

阮逸
胡瑗

朱子語錄

黃榦等

二程全書

康紹宗

朱子語類

黎靖德

家山圖書

朱文公

月令廣義

馮應京

演繁露

程大昌

東南防守利便

陳克
吳若

通雅

方以智

神機制敵太白陰經

補漢兵志 錢文子

寶祐會天厯 荆執禮等

類要 晏殊

通志略 鄭樵

玉海 王應麟

文獻通考 馬端臨

續文獻通考 王圻

黃氏日鈔 黃震

山堂考索 章如愚

六帖補 楊伯崑

古今事文類聚 祝穆

分門瑣碎錄 溫革

合璧事類 謝維新

天中記 陳耀文

山堂肆考 彭大翼

經濟類編 馮琦

詞林海錯 夏樹芳

彝門廣牘 周履靖

歸田錄 歐陽修

鐵圍山叢談 蔡條

夢溪筆談 沈括

南宋雜事詩目錄

六

清夜錄 沈括

續清夜錄 王銍

秀水閑居錄 朱勝非

猗覺寮雜鈔 朱翌

西溪叢語 姚寬

姚氏殘語 姚寬

碧鷄漫志 王灼

曲洧舊聞 朱弁

避暑錄話 葉夢得

軒渠錄 呂居仁

可談 朱彥

鷄肋編 莊綽

袖中錦 太平老人

容齋隨筆 洪邁

夷堅志 洪邁

夷堅別志 王質

紹陶錄 王質

汝陰餘話 羅璧

雲麓漫鈔 趙彥衛

識遺 羅璧

林泉野記

二老堂雜志 周必大

同話錄

曾三異

經鉏堂雜志

倪思

北窗炙鞞

施彥執

揮塵錄

王明清

玉照新志

王明清

東家雜記

孔傳

鶴林玉露

羅大經

春渚紀聞

何蘊

腳氣集

車清臣

能改齋漫錄

吳曾

程史

岳珂

媿郊錄

岳珂

肯綮錄

趙叔向

拊掌錄

元懷

鼠璞

戴埴

深雪偶談

方岳

梁溪漫志

費衮

隨隱漫錄

陳晦

清波雜志

周煇

清波別志

周煇

老學菴筆記

陸游

南宋雜事詩目錄

野客叢書

王林

賓退錄

趙與時

貴耳錄

張端義

白獺髓

張仲文

昨夢錄

康譽之

蘆浦筆記

劉昌詩

游宦紀聞

張世南

坦齋筆衡

邢凱

坦齋通編

邢凱

山家清事

林洪

螢雪叢說

俞成

行營雜錄

趙葵

三柳軒雜識

程棨

閒窗括異志

魯應龍

搜采異聞錄

永亨

異聞總錄

王應麟

睽車志

郭彖

小學紺珠

王應麟

林下偶談

荆溪吳氏

吹劍錄

俞文豹

清夜錄

俞文豹

話腴

陳郁

養痾漫筆 趙潛

約隱紀談 周遵道

卻掃編 徐度

東齋紀事 許觀

楓窗小牘 袁聚

嬾正子 馬永清

韋居聽輿 陳直

葦航紀談 蔣津

萬柳溪邊舊話 尤玘

船窗夜話 顧文鷹

困學紀聞 王應麟

自號錄 徐光溥

南窗紀談

須溪記鈔 劉辰翁

佩韋齋輯聞 俞德鄰

悅生堂隨鈔 賈似道

江行雜錄 廖瑩中

齊東野語 周密

癸辛雜志 周密

浩然齋視聽鈔 周密

志雅堂雜鈔 周密

愛日齋叢鈔

南宋雜事詩目錄

八

耆舊續聞

續夷堅志 元好問

至正直記 孔行素

解醒語 李材

江湖紀聞 郭霄鳳

東園友聞

遂昌雜錄 鄭元祐

樂郊私語 姚桐壽

草木子 葉子奇

輟耕錄 陶宗儀

山房隨筆 蔣子正

佩楚軒客談 戚補之

嫻嬛記 伊席夫

研北雜志 陸友仁

湖海新聞

書齋夜話 俞琰

兩鈔摘腴 史浩

雪舟脞語 王仲暉

雪履齋筆記 郭翼

霏雪錄 繆績

清溪暇筆 姚福

水東日記 葉盛

雙槐歲鈔

黃瑜

昨非菴日纂

郭直

聽雨紀談

都穆

春風堂隨筆

陸深

丹鉛總錄

楊慎

藝林伐山

楊慎

談略

張鳳翼

夢占類考

張鳳翼

瑯琊代醉編

張鼎思

七修續彙

郎瑛

林下清錄

沈仕

南宋雜事詩目錄

學圃蘊蘇

陳耀文

兩航雜錄

馮時可

戒菴漫筆

李詔

南歸日記

蕭士瑋

焦氏說楮

焦周

玉芝堂談薈

徐應秋

江湖雜記

洄詞筆記雜鈔

崔銑

甘露園短書

陳汝楫

五雜組

謝肇淛

瑯琊漫鈔

文林

餘冬序錄

何孟春

兩山墨談

陳霆

玉堂漫筆

陸深

升菴外集

楊慎

綠雪亭雜言

敖英

風月堂雜識

少室山房筆叢

胡應麟

七修類彙

郎瑛

文長別記

徐渭

鞠坡叢

語單字

九

穀城山房筆塵

于慎行

暖姝由筆

徐充

近峰文略

皇甫庸

羣談採餘

已瘡編

劉玉

金罍子

陳絳

翰墨叢記

宙合編

林兆珂

見只編

姚士燾

說略

顧起元

雲谷臥餘

張習孔

堯山堂外紀 蔣一葵

農田餘話 長谷逸正

留青日札 田藝衡

雲蘊淡墨 木增

丘陵學山 王完

偃曝談餘 陳繼儒

寶顏堂筆記 陳繼儒

太平清話 陳繼儒

辟寒 陳繼儒

萬厯野獲編 沈德符

丘氏遺珠

宋稗類鈔 潘永因

枕中十書 李贄

正藏書 李贄

簞齋雜著

樵書 來集之

彙書二編 來集之

槎菴小乘 來斯行

六研齋筆記 李日華

紫桃軒雜綴 李日華

湧幢小品 朱國正

珍珠船 陳繼儒

南宋雜事詩目錄

十

揮塵新談 王兆雲

韻石齋筆談 姜紹書

文園漫語 程希堯

楮記室 潘垣

遵生八牋 高濂

小窗自記 吳從先

湘烟錄 凌義渠

墨憨齋笑纂

語林 何良俊

警心錄

簾陰劄記 孫承澤

通考纂略 榮紹炳

澠書 毛先舒

改蟲齋雜疏 高層雲

香祖筆記 王阮亭

居易錄 王阮亭

天祿識餘 高士奇

日知錄 顧炎武

筠廊偶筆 宋肇

古今女史 趙世杰

近異錄 劉質

崇文總目 歐陽修等

中興館閣錄 陳騷等

中興館閣續錄

宋史藝文志 脫脫等

郡齋讀書志 晁公武

讀書後志 晁公武

讀書續志 趙希弁

書錄解題 陳振孫

遂初堂書目 尤袤

文淵閣書目 楊士奇等

內閣書目 林大山等

西亭萬卷樓書目 朱氏

國史經籍志 焦竑

筴竹堂書目 葉盛

天一閣書目 范欽

世學樓書目 鈕氏

古林書目 曹溶

澹生堂書目 祁承勳

絳雲樓書目 錢謙益

讀書敏求記 錢曾

傳是樓書目 徐乾學

曝書亭書目 朱彝尊

道古樓書目 馬思贊

南宋雜事詩目錄

書史 米芾

金壺記 釋適之

翰墨志 宋高宗

淳熙奇字訓釋

向氏圖畫記

書繼 鄧椿

續書譜 姜夔

書苑菁華 陳思

雲煙過眼錄 周密

學古編 吾丘衍

畫鑒 湯垕

書史會要 陶宗儀

書法通釋 張紳

圖繪寶鑑 夏文彥

續圖繪寶鑑 韓昂

墨池編 朱長文

鐵網珊瑚 朱存理

鐵網珊瑚 都穆

珊瑚網 汪珂玉

清河書畫舫 張丑

正蹟實錄 張丑

王氏畫苑 王弇州

王氏書苑 王弁州

古今法書苑 王弁州

淡圃畫品 王世懋

嚴氏書畫記 文嘉

畫法年紀 郭礎

鬱岡齋筆麈 王宇泰

文湖州竹派 釋蓮儒

妮古錄 陳繼儒

續畫史會要 金賚

東圖元覽 詹景鳳

書系 唐大章

書畫眼 董其昌

格古要論 曹昭

書畫題跋記 郝逢慶

續書畫題跋記 曹溶

書畫彙考 下永譽

江邨銷夏錄 高士奇

金石錄 趙明誠

石鼓文辯 程大昌

石刻鋪叙 曾惇

紹興古器評 張瑜

寶刻叢編 陳思

南吳雜事詩目錄

歷代鍾鼎彝器款識法帖 薛尚功

蘭亭考 桑世昌

蘭亭博論 桑世昌

蘭亭續考 俞松

蘭亭記 盛時泰

名蹟錄 朱珪

元牘記 盛時泰

天下金石志 于奔正

法帖補系 曹士冕

金石林時地考 趙均

石蹟記

碑錄

筍譜 贊甯

泉志 洪遵

錢譜 董道

天下名酒記 張能臣

弧矢譜 范成大

梅譜 范成大

鞠譜 范成大

硯箋 高似孫

蟹略 高似孫

菌譜 陳仁玉

蟹譜 傅肱

雲林石譜 杜綰

花史 王路

北苑茶錄 熊克

海棠譜 陳思

酒小史 宋伯仁

鞠譜 沈兢

天彭牡丹譜 陸游

帶格 陳晦

打馬圖 李清照

蟋蟀經 賈似道

名馬記 李翰

糖霜譜 王頤

山家清供 林洪

洞天清錄 趙希鵠

全芳備祖 陳景沂

寶貨辨疑

墨史 陸友

蜀錦譜 費著

女紅餘志 女士龍輔

農桑緝要

南宋雜事詩目錄

三

硯譜

香乘 周嘉胄

名劍記 李承勛

羣芳譜 王象晉

蠶經 黃省曾

裝潢志 周嘉胄

天下鹽法志

玉林詩話 黃昇

茗溪漁隱叢話 胡仔

四六談麈 謝伋

竹坡詩話 周紫芝

二老堂詩話 周必大

韻語陽秋 葛立方

庚溪詩話 西郊野叟

雲莊四六餘話 楊困道

後村詩話 劉克莊

詩話雋永 喻正己

南溪詩話

樂府指迷 張炎

詩人玉屑 魏慶之

詞旨 陸輔之

詩詞餘話 俞焯

蓉塘詩話

姜南

歸田詩話

瞿宗吉

存齋詩話

瞿宗吉

懷麓堂詩話

李東陽

少室山房詩藪

胡應麟

夢蕉詩話

游潛

解頤詩話

自笑道人

雪濤詩評

江盈科

存餘堂詩話

朱承爵

詞苑叢談

徐鉉

詞筌

賀裳

容齋題跋

益公題跋

後村題跋

鶴山題跋

放翁題跋

晦菴題跋

帝都賦

葛澧

迎鑿七賦

曹勛

胥濤賦

羅公升

西湖賦

白珽

長慶集

白居易

南宋雜事詩目錄

西

和靖集

林逋

清獻公集

趙鼎

東坡全集

蘇軾

東坡續集

東坡詩註

王十朋

東坡詩註

施宿

西湖百咏

陽蟠

青山集

郭祥正

關博士集

關注

竹友集

謝邁

梁溪集

李綱

中正德文集

趙鼎

石林建康集

葉夢得

浮溪集

汪藻

師川集

徐俯

松隱集

曹勛

武穆集

岳飛

盧溪集

王庭珪

林泉結契

王質

鴻慶集

孫觀

蠹齋鉛刀編周孚

北山小集程俱

默堂集陳淵

韋齋集朱松

玉瀾堂集朱棹

知稼翁集黃公度

香溪集范浚

省齋稟周必大

石湖集范成大

渭南集陸游

朝天集楊萬里

南宋雜事詩目錄

于湖居士集張孝祥

野處類稿洪邁

梅溪集王十朋

艾軒集林光朝

雙溪集王炎

龍川集陳亮

雪窗小集張良臣

水心集葉適

龍洲集劉過

雪坡小稿羅與之

沼水集程秘

龜溪集沈與求

歸愚集葛立方

太倉稊米集周紫芝

柝欄集鄒肅

橫浦集張九成

雪溪集王銍

平園集周必大

梁溪集尤袤

劍南集陸游

誠齋集楊萬里

朝天續集楊萬里

五

盤洲集洪适

南軒集張栻

朱文公大全集

浪語集薛季宣

江湖長翁集陳造

勉齋集黃榦

攻媿集樓鑰

陳寮集高似孫

方壺存稿汪莘

玉楮集岳珂

翠微南征集華岳

臞翁集 放陶孫

梅屋吟 鄒登龍

清苑齋集 趙師秀

方泉集 周文璞

北窗稟 余觀復

鞠礪集 高翥

白石道人詩 姜夔

鷗渚微吟 趙崇錫

無懷小集 葛天民

秋江煙草 張弋

靖逸小集 葉紹翁

鶴山集 魏了翁

吾竹小稟 毛翊

雲臥稟 吳汝弼

清獻集 杜範

庸齋小集 沈說

徐清正集 徐鹿卿

石屏集 戴復古

石屏續集 戴復古

雪篷稟 姚鑰

秋崖小稟 方岳

清雋集 鄭震

南宋雜事詩目錄

夫

端平集 周弼

芸居乙稟 陳起

梅屋詩稟 許棐

芸隱橫舟稟 施樞

芸隱倦游稟 施樞

後村集 劉克莊

馬睽稟 宋伯仁

雪巖吟卷 施樞

蒙泉詩稟 李濤

靜佳龍尋稟 朱繼芳

學詩初稟 王同祖

學陰 朱雨杰

東齋小集 陳鑒之

漁溪乙稟 俞桂

適安藏拙稟 武衍

斗野稟 張蘊

雪林刪餘 張至龍

抱拙小稟 趙希樞

皇華曲 劉林

橘潭詩稟 何應龍

竹莊小稟 胡仲參

西麓小稟 陳允平

雪磯叢臺 樂雷發

竹所唵臺 徐集孫

雅林小臺 王琮

勿軒集 熊鈺

在軒集 黃公紹

須溪集 劉辰翁

看雲小集 黃文雷

癖齋小集 杜旂

招山小集 劉仙倫

華谷集 嚴粲

檜庭唵臺 葛起耕

小山集 劉翰

露香拾臺 黃大受

竹溪十一臺 林希逸

山存存臺 陳必復

端隱吟臺 林尙仁

心游摘臺 劉翼

順適堂吟臺 葉茵

孝詩 林同

梅花衲 李龔

翦綃集 李龔

退安遺臺 吳淵

南宋雜事詩目錄

瓜廬詩 薛師石

潛齋集 何孟桂

佩韋齋集 俞德鄰

文山全集 文天祥

指南錄 文天祥

疊山集 謝枋得

霽山集 林景熙

白石樵唱 林景熙

韶卿集 方鳳

晞髮集 謝翱

水雲集 汪元量

湖山類臺 汪元量

咸涓集 鄭思肖

道州苔衣集 柴望

滄洲集 羅公升

海陵集 周麟之

白玉蟾集 葛長庚

海瓊集 葛長庚

北礪集 居簡

探芝集 斯樞

雲泉詩集 永頤

亞愚江淞紀行集句 紹嵩

柳塘集

道璨

易安居士集

李清照

斷腸集

朱淑真

秋澗集

王惲

剡源集

戴表元

輿觀集

仇遠

湛困集

白珽

吳文正公全集

吳澄

困學齋集

鮮于樞

松雪齋集

趙孟頫

松鄉集

任士林

南宋雜事詩目錄

道園遺藁

虞集

柳待制集

柳貫

鹿皮子集

陳樵

傅與礪集

傅若金

翠寒集

宋无

南湖集

貢性之

僑吳集

鄭元祐

秋聲集

黃鎮成

余忠宣集

余闕

鐵崖集

楊廉夫

梧溪集

王恮

敬稟刊登

甯宗恭聖楊后宮詞

吾汶稟

王炎午

桐江集

方回

剡源文鈔

馬思贊選

山村遺藁

仇遠

仁山集

金履祥

勿軒集

陳孚

養蒙集

張伯涓

清容集

袁桷

道園學古錄

虞集

大

翰林珠玉

虞集

淵穎集

吳萊

金臺集

葛邏祿迺賢

禮部集

吳師道

吟嚙集

宋无

蛻菴集

張翥

竹齋集

王冕

子素集

潘純

玉笥集

張憲

江月松風集

錢惟善

玉山璞藁

顧瑛

鄭氏聯璧集

天籟集 白樸

鼓枻橐 虞湛

霞外集 馬臻

蒲室集 大訢

犁脊公集 劉基

潛溪集 宋濂

盤坡集 宋濂

危學士集 危素

王忠文集 王禕

嘉禾百咏 張堯同

南宋雜事詩目錄

缶鳴集 高啟

始豐類橐 徐一夔

春雨集 解縉

自怡集 劉璉

弇州四部橐

節菴集 于謙

徐文長集 徐渭

晚香堂集 陳繼儒

長水集 沈懋孝

牧齋初學集 錢謙益

南雷文定 黃宗羲

佩玉齋類橐 楊嗣

雲林集 倪瓚

句曲外史集 張雨

筠溪牧潛集 圓至

劉誠意集 劉基

覆瓿集 劉基

芝園集 宋濂

翰苑別集 宋濂

清江集 貝瓊

草閣集 李暉

鳧藻集 高啟

尤

陶學士集 陶安

履道集 周砥

半軒集 王行

甫田集 文徵明

篁墩集 程敏政

水天閣集 陶望齡

快雪堂集 馮開之

大江草堂集 陳衍

自娛齋集 聞啟祥

梅村集 吳偉業

思古堂集 毛先舒

蕊雲集 毛先舒

曝書亭集 朱彝尊

帶經堂集 王昉亭

陳檢討集 陳維崧

得全詞 趙鼎

清正詞 周邦彥

順菴樂府 康輿之

蓮社詞 張翥

坦菴長短句 趙師俠

介菴詞 趙彥端

惜香樂府 趙長卿

東山樂府 吳激

蘆川詞 張元幹

于湖詞 張孝祥

近體樂府 周必大

海野詞 曾覲

逃禪詞 楊无咎

書舟雅詞 程垓

嬾窟詞 侯寘

東澤綺語債 張輯

簫臺公餘詞 姚述堯

稼軒長短句 辛棄疾

歸愚詞 方千里

玉照堂詞 張鑑

和清正詞 方千里

友古詞 蔡伸

白石詞 姜夔

龍洲詞 劉過

石屏詞 戴復古

空同詞 洪璚

隨如百詠 劉鎮

月溪集 陳以莊

順受老人詞 吳禮之

蒲江詞 盧祖臯

竹齋詩餘 黃機

竹屋癡語 高觀國

梅苑詞 史達祖

夢臆四稿 吳文英

竹山詞 蔣捷

芸窗詞 張榘

梅屋集 張榘

碧山樂府 王沂孫

日湖漁唱 陳允平

梅淵詞 張矩

梅川詞

施岳

寶洲漁笛譜

周密

江村遺稿

姚雲文

山中白雲詞

張炎

漱玉詞

李清照

蛻巖樂府

張翥

格齋四六

王子俊

隴軒四六

宋文鑑

呂祖謙

聖宋文選

五百名家播芳大全

魏仲賢
葉子賢

宋蓺圃集

李昶

天地間集

謝翱

月泉吟社

吳渭

谷音

杜本

名賢小集拾遺

陳起

增廣高僧前後集

陳起

瀛奎律髓

方回

宋詩選

宋詩鈔

吳之振

宋十五家詩

陳詩

南宋雜事詩目錄

三

中州集

元好問

元朝文類

蘇文爵

元音

張中達

雷溪詩選

劉因

乾坤清氣集

偶桓

元詩類選

曾應珪

元詩體要

宋公傳

皇元風雅

孫大雅

西湖竹枝詞

楊廉夫

西湖竹枝續集

徐士俊

湖山詩選

徐懋升

西湖游咏

黃省曾

治世正音

歐陽潘

大明風雅廣選

蕭儼

澗音

方繼學

十二代詩選

曹學佺

皇明文徵

何喬遠

文苑春秋

崔銜

赤城詩選

謝鳴治
黃世顯

列朝詩選

錢謙益

明詩綜

朱彝尊

今詩篋衍集

陳維崧

江左十五子詩

詩林韶濩 顧嗣立

名媛璣囊 池上客

樂府雅詞 曾慥

花菴絕妙詞選 黃昇

絕妙好詞 周密

樂府補題

詞海遺珠 勞堪

詞品 楊慎

花草粹編 陳耀文

草堂詩餘 沈際飛

林下詞選 周銘

詞統 卓珂月

詞綜 朱彝尊

詞律 萬樹

詞譜

指月錄 瞿汝稷

神僊通鑑 劉宇亮

五百羅漢名記

西湖淨社錄

勝蓮社約 虞清熙

太平惠民和劑局方

南宋雜事詩目錄

正類本草 王繼先

白雲仙人靈草歌

宣和遺事

汴都平康記 張邦基

藝流供奉志 周密

小字錄 陳思

妝臺記 宇文氏

姬侍類偶 周守忠

陳盼兒傳 李社

金姬別傳 楊儀

青泥蓮花記 梅鼎祚

荆釵百咏 許浩

雙名志 禱仁獲

堅瓠集 禱仁獲

南宋雜事詩引用書目

南宋雜事詩引用書目補遺

畫禪室隨筆 董其昌

竹窗隨筆 釋祿宏

華陽宮紀事 僧祖秀

續松漠紀聞 洪皓

繪事備考 王星聚

陶隱居正誥序 高似孫

清賞錄 包衡

大滌洞天記 鄒牧

西湖志 夏基

江漢叢談 陳士元

無聲詩 毛良

徑山集 宗淨

埤雅廣要 牛衷

南宋雜事詩書目補遺

南宋雜事詩卷一

錢唐沈嘉轍欒城

龍蔥佳氣儷山川南渡開基大寶傳為有文章京樣好

中興畱得幾遺編

宋會要紹興元年丙殿宣示大宋受命與之寶中興御府藏玉寶十有一日鎮國神寶二日受命寶三日天子之寶四日天子信寶五日天子行寶六日皇帝之寶七日皇帝信寶八日皇帝行寶九日大宋受命與之寶十日定命寶十一日大宋受命與之寶 方輿勝覽拾月香水影之清文章京樣覽雲陣銀山之壯意氣天豪 玉海建炎三年胡安國上中興策十四篇紹興二年權邦衡獻中興十義四年汪藻上建炎中興詔旨三十七冊七年林保獻中興龜鑑十二年漢州布衣陳靖獻中興論統治略十二年上中興禮書先是紹興元年趙子書上言政和宣和因革禮渡江後皆失請事加修纂至是書成賜名中興禮書嘉泰二年費士真等續纂中興禮書八十卷又李綱編建炎中興記三卷張浚進中興備覽四十一篇李壁中興戰功錄叙云中興十二處戰功列於銓法熊克撰中興紀事本末一名中興小歷文獻通考梁克家等上中興會要二百卷何異撰中興百官題名五十卷 案以上諸目惟禮

南宋雜事詩卷一

書續禮書備覽戰功錄紀事本末會要百官題名並見於文淵閣書目而文淵閣所藏更有中興聖政中興百官年表中興編年備要中興繫年錄中興政要中興大事記內閣書目有處清臣中興三朝聖訓焦氏經籍志有陳均中興編年舉要榮竹堂書目有中興目錄絲雲樓書目有中興繫年要錄大抵中興諸書見於諸簿錄者可考也其不錄者皆佚已惟焦氏所載高宗實錄五百卷孝宗實錄五百卷光宗實錄一百卷甯宗實錄三百卷此據宋史藝文志而列之未必有完書也

炎炎大詔下彤階摩勒青琅兩壁排喜得華恩加上舍

明朝宰相送光齋

古文淵鑑宋高宗幸學手詔朕聞周建外史學五帝三皇之書漢選諸儒定九流七略之奏文德之盛後世推焉仰惟祖宗開建冊府凡累朝名世之士由是以興而一代致治之原蓋出於此朕嘉與學士大夫共宏斯道乃一新史觀新御榜題肆從望幸之忱以示右文之意嗚呼士習為空言而不為有用之學久矣爾其勉修術業益勵厥為一德一心以共赴亨嘉之會用丕承我祖宗之大勳礪石涓熙四年詔知府趙鼎老建閣於太學題曰光堯石經之閣元時楊璉正伽造白塔於行宮故址取石壘塔杭州路廉訪經歷申屠致遠力持不可已損其什一明常熟吳訥乾州宋廷佐先後按浙或覆之廊或贊以飭齋崇禎末廟此缺

諸壁中左易二書六詩十有二禮向有學記經解中庸儒行大學五篇
今惟中庸片石存爾其南則理宗大書御製序四碑右則春秋左氏傳
四十八碑闕其首卷通計八十七碑非足本矣秦檜一跋吳訥惟碎其
詞見學士院中與紀事本末君子無取也 楓窗小牘思陵以萬幾之
暇御書六經論語史記列傳刊石立於太學 宋史紹興十三年紹
興十三年作大學以岳飛墓為之在前洋街 宋宗洙續資治通鑑紹
興十三年大成毀告成奉安廟像明年二月園子司業高閎請孝學上從之
帝遂作先聖及七十二子贊冠以序文親灑宸翰揭之大成殿上二十
六年石刻於園子監淳熙四年孝宗幸太學嘉泰三年甯宗幸太學淳
祐元年理宗幸太學咸淳三年度宗幸太學 朝野雜記太學養士最
盛於崇光開紹興中詔以七百人為額上舍生三十員內舍生百員外
舍生百七十員每三年科場率四人而一若即行校藝而升上者則不
待選舉而徑釋褐焉 癸辛雜識太學先達歸齋各有光齋之禮宰執
則送純金碗一隻狀元送鍍金魁星杯伴一副漕帥新除各齋有十八
界送二百千酒十尊又學規輕者
關暇重者前廊關暇又重則遷齋

百寮印信久無存遺得龍章守子孫三百餘年十五押 誰知制誥代天言

朱子語錄南渡後印信散失諸司往往借用舊印有以不便請者又因
費重而止或問朱子奏狀借用縣印否曰豈惟縣印尉印亦可借嘗見

南宋雜事詩卷一

二

縣丞借用漕使印諸司舊印借用上下彼此皆所不計 竇齋雜著余
家蓄有建炎勅文一紙孟御史陸銑安撫兩河時所受書以淡筆畫可
寸許筆勢飛動題建炎元年七月十八日璽識分明正思陵手筆蓋此
時兩河尚在版圖也 瑩墩文集有遺鄆水程氏所藏南宋錄用伊川
先生子孫誥 癸辛雜志宋十五帝御押國太祖 查太祖元押 商
太宗 石太宗元押 ○正宗 白仁宗 匠英宗 ○神宗 帝哲宗
存徽宗 臣欽宗 匹高宗 屈孝宗光宗 可甯宗 帝理宗 說略
庚宗 霏雪錄嘗聞宋故事惟押字上親書有押字則不用寶 說略
宋勅俱草書後用三省長官僉押 三朝北盟會編高宗得開圖書匠
舒通能刊金銀銅圖書取縷塵白字令刊白文為璽由是人皆效之

雄才始事氣方酣一尺書函懇再三可惜聲聲蘇武令 至今遺恨諭江南

朝野雜記靖康末高宗與李忠定公書構頓首頓首天未海福乘輿蒙
塵問之心焉如割已令會兵返擊冀遂奉迎而歸方今生民倒懸諒非
不世之才何以協濟閣下學窮天人忠貫金石是用盡復公舊職澤被
斯人功垂竹帛乃公素志想投袂而起以振天人之溺以副蒼生之望
所祝道申倍加保護謹啟構頓首朝此則高宗屬意於忠定可見矣 歷
詞譜紹興初都下盛傳蘇武令一詞聲韻凄楚言是李綱丞相作 歷
代臣鑑王倫使北還綱疏曰今倫之歸與金使偕來乃以招諭江南為
名不著國號而曰江南不云通問而曰招諭此何禮也陛下其勿輕許

按李綱伯純撰梁溪集一百八十卷 蒲奎集題高宗書云高宗爲中興之主不能用李綱宗澤深爲可惜然慈仁謹儉可謂守文之主筆有由也

小臣觸諱玉墀東聖主天懷寫至公一點君心千古事兒孫何地敢忘忠

吹劍錄高宗策進士有犯御名者上曰朕豈以已妨人進取 歷代臣監韓世忠得疾戒家人曰吾名世忠汝曹毋諱忠字諱而不言是忘忠也 玉海例言宋時極重廟諱如桓譚爲巨譚荀勗爲荀勉魏徵爲魏證及口觀作正觀口正作嗣征宮縣作宮垂桓圭作植圭婚作遇封此類甚多 日知錄朱子周易本義婚卦下以改爲婚作婚爲遇避高宗嫌名也 鼠璞本朝避嫌名如勾姓本避高宗諱故改音鈞後或加金於傍或加絲於傍或加草於上或改爲句或增爲勾龍實同一句也今讀勾踐作平聲者本此 史緯勾龍如淵永康軍人勾姓本古句也高宗卽位避御名更勾爲龍因呼爲勾龍氏 五雜俎真德秀原姓慎因避孝宗諱而改 又宋時避君上之諱最嚴宋版諸集中凡嫌名皆闕不書如英宗名曙而署樹皆云嫌名不知樹音原不同曙也欽宗名桓而完亦云嫌名不知完音原不同桓也仁宗口而口觀改作正觀魏徵改作魏證不知徵口不同音也又可怪者口口而口觀改作正觀而朱子於書中有桓獨不諱不知其故或以觀盡而後耶

兩宋雜事詩卷一

三

太清樓本無元字 賈紙樞來已再傳不愛女官元祐脚 墨皇新揭紹興年

書史往見燕錄着家蘭字懷字內折筆抹筆皆轉側漏而見鋒 法帖譜系舊見太清樓帖自開禧以後有樞宗本效黃庭堅書後以偽摹邊轉脚蓋避金亮諱也 清河書畫舫高宗本效黃庭堅書後以偽摹邊能庭堅書者爲間遂改從右軍 又法帖譜系南宋紹興中以御府所藏清化舊帖刻板宣之國子監稱紹興國子監本其首尾與清化閣本略無少異御府拓者多用賈紙蓋打金銀箔者也字畫精神極有可觀 宣熙修內司本宣熙奉旨刻石紫中卷被規摸悉同清化閣本而卷尾乃楷書題云宣熙十二年乙巳歲二月十五日修內司恭奉聖旨模勒上石 宣熙奇字訓釋云樞與樸 同 墨皇出米芾寶晉英光集詩

築室南班傍帝畿仙源家寶已芳菲淒涼望斷中天路

朔雪橫空雁影稀

輿郊錄嘗考典故祖宗祖免親以上備環衛冠屬籍謂之南班 通志略有本朝仙源積慶圖一卷 宋史不 嗣濮王宗暉曾孫也孝宗嘉其忠諒飲之酒顧太子曰此賢家寶也又史浩等上三祖下第六世仙源類譜仁宗玉牒 朝野雜記故事玉牒以首冊領之紹興十六年初

復玉潔明以秦會之提舉又宗正寺山原慎謹其見數者三祖以下合
二萬一千六十有六人靖康以來隔異或者遙為排連而已又宗室為
狀元者道初汝愚中宏辭科者著熙初彥中中童子科者慶元中崇
禛三年六月已卯崇禎亦能誦六經免文辭云 譚駱宋理宗寶祐四
年登科錄凡五甲共六百一十人其中自玉牒者第一甲二人第二
人第三甲十八人第四甲百一十一人獨未有在第五甲者可見宋室待
宗藩之禮 徑世奇謀留過僧者礪山人也金人見之曰金則趙家少
帝過僧竊喜紹興十年三京路通詔求宗室過僧自言少帝第二子守
臣遣赴行在乃詔勃治過僧服罪後有自北至者曰淵聖小大王訓見
居五國歲 朝野雜記建炎五年有自稱徐王棟者聞於朝上遣使驗
之既至審驗則富順男子李倬也遂坐誅有婦人自稱榮德姬者按驗
則婦人易氏也亦杖死上曰吾甯受百欺冀得一正紹興三年詔皇族
有來歸者令州
縣驗實以聞

一朝姦細竟南奔和議終為保舉恩已見秦家錯摺樣 莫將冠冕付空言

金國南遷球天會八年請臣慮宋君臣復讎思有以止之魯王曰惟遣
彼臣先歸使其臣順我侔不從而弛以聽或可以定忠烈王曰惟張孝
純可忠獻王曰此事在我心裏三年矣只有一秦綸可用我喜其入置
之軍中試之以事外雖拒而中常委曲順從而檜始終言南自南北自

南宋雜事詩卷一

四

北因說許某著手時只依這規模分別今若縱之歸國彼喜懽說事
必是得志 宋元通鑑陸榘攻楚州檜與妻王氏自軍中趨漣水軍自
言殺金監已者奪舟而來欲赴行在遂航海至越州帝命先見宰執檜
首言欲天下無事須是南自南北自北朝士多疑其與何桌孫傳等同
被拘執而檜獨還又自燕至楚二千八百里踰河越海豈無譏訶之者
安得殺監而南惟范宗尹及李回二人素與檜善蓋破羣疑力薦其忠
檜入對首奏所草與檉瀨來和書 又翟汝文雖為檜所薦然性剛不
為檜屈至對案相詬目檜為金人姦細故不得久居位 老學菴筆記
秦太師作相時裏頭巾當面
偶作一摺謂之太師錯摺樣

簪花書法註劉希金翠輕搖玉腕圍誰說芙蓉江上貌 紅顏一代有危機

談書宋宮人有御金簡翠腕圍是景陽宮胭脂井物註似今之手劍清
河書畫舫劉夫人字希建炎間嘗主內翰文字及為宸翰高宗甚眷之
金小史金主亮嘗有圖宋之意日向者梁說嘗為朕言宋有
劉貴死天下之絕色也今一舉而兩得之所謂因行掉箏也

集賢臺閣接飛檐九朽還摹土筆尖天慶喜存原粉本

金章曾是弟兄兼

妮古錄趙伯駒與弟伯駒並以畫名高宗嘗命二人合書集賢殿稱旨
賞與特厚 書繼畫家於人物必九朽一罷謂先以土筆撲取形似數
次修改故曰九朽繼以淡墨一描而成故曰一罷罷者畢也 清河書
畫劄按伯駒乃伯駒之兄高宗時嘗奉詔寫天慶觀椽命吳中依樣造
之今玄妙觀是也 圍繪寶鑑道伯駒善畫山水花鳥竹石高宗極愛
之任生西兵馬鈴轄趙伯駒善畫山水人物尤長於花禽點染輕盈
頗有生意仕
至觀察使

書法申韓孰並肩 鐃歌鼓吹似前賢 太常錦瑟還驚訝
律呂而今不再傳

研北雜志趙子固曰姜堯章爲書家申韓又周公謹云姜堯章鐃歌鼓
吹曲乃步驟曾師尹 宙合編姜夔上書乞正樂赴太常同官校正樂
師上錦瑟姜問曰此何樂家官已有漫文之歎又令樂師曰語云鼓瑟
希未聞彈之衆官咸笑而散去 吳興學故堯章長於音律嘗著大樂時
議欲正廟樂慶元三年詔付季簡有司收掌令太常寺與議大樂時樂
其能是以不獲盡其所議人大惜之 按姜夔字堯章有白石詞五卷

野溪亭市列柴門 陶戶家家作酒樽 縱有龍紋白芟碎
新窰青器已無倫

南宋雜事詩卷一

太平寰宇記杭州亭山餘石剡亭市村多陶戶善作大甕今謂之浙
甕 四部臺南宋時處州章生兄弟皆作窰兒所作者視弟色稍白而
纖紋多號白芟碎又考古括遺芳稱兄所作爲哥窰 稗編渡江後修
內司造青器名內窰澄泥爲範極其精緻油色瑩極爲世所珍後郊壇
下別立新窰餘如烏泥窰餘杭窰續窰皆非官窰比所謂舊越窰不復
見矣 五雜俎柴窰之外有定汝官哥四種皆宋器也傳流至今者惟
哥窰稍易得蓋其質厚頗奈燕耳定汝白如玉難於完璧宋時宮中所
用率銅鈴其口以是損價 六初齋筆記南宋時餘姚有秘色磁甕樸
而耐久今人率以官
窰目之不能別白也

絲鞵供御喚莊生 雪藕抽鍼瑩緝成一尺 繡茵塵不動
退朝禹步寂無聲

老學菴筆記禁中舊有絲鞋局專批供御絲鞋不知其數嘗見蜀將吳
洪破賜數百緡皆經奉御者壽皇卽位准臨朝服絲鞋退卽以羅鞋易
之遂廢此局 夢窗甲臺瑞鶴仙贈絲鞋莊生云藕心抽瑩瑩引翠鍼
行處冰花成片金門從迴輦雨玉鳥飛上繡絨塵輒末云待宣供禹步
宸遊退朝燕殿 按
莊生蓋當時供奉者

廂庭雖設莫紛拏 和氣常生百姓家 爲報臨安破落戶

東宮昨日坐南衙

沼水集城南廂官題名記粵自東幸於今百年錢唐版籍百倍往昔南
北二府設於關外而五方雜居水陸互市人滋泉木影彰訟於府庭者
率繁縷累日吏屬屢乃得去 兩浙名賢錄趙立夫知臨安府人對理
宗諱之日京師細民當一意摩撫使常在春風和氣中遂於府西建春
和樓推廣德意 咸治臨安志紹興二十三年上謂大臣曰近今臨安
府收捕破落戶漏置外州治本為民間除害而謂小火破落者乃為人誑
其惡囑取錢令有司子細根治務得其實先是在行城破落者為臨安
通衢竊取人物故有是命 續資治通鑑建炎三年升杭州府為臨安
府槐郊錄乾道七年詔皇太子判臨安府河案本朝親王為南衙故實
自有明據然則周必大所制詞有所謂肆考南衙之故實一新大尹之
多儀及名稱未
正者皆誤也

駐蹕錢唐奈數何風光京洛過江多後門艤得龍舟好
歌舞銷鎔是此鍋

群談採餘陳圖南莫知所出藝祖召之闕門天下始終事對曰一汴二
杭三閩四廣再問則曰非臣所知也 青泥蓮花記江浙間路岐水有二
慧黠知文墨能於席上指物題咏應命輒成者謂之合生其滑稽含稅
諷者謂之喬合生蓋京都遺風也 七修類彙城中語音好於他郡蓋

南宋雜事詩卷一

六

初皆汴人扈宋南渡遂家焉故至今與汴音頗相似惟江干人言語蹀
動為杭人之舊音教論張傑嘗戲曰高宗南渡止帶一百過來 按百
音擺 近峯間略今人呼誰之語皆有所本如宋都汴有何家數者其
下行貨惡濫故呼何數今越人云數頭者當是南渡之遺也 雷青日
札劉豫金人入寇高宗親禦之趙鼎因喻誘留後門之策乃起張浚為
閣浙江淮宜撫備選保之地 御選四朝詩高孝壽詩朱簾白舫亂湖
光隔岸龍舟撼夕陽今日歡遊復明日便將京洛看錢唐 西湖遊幸
記西湖杭人無時而不遊凡締姻養社會親送葬經會獻神無不在焉
故杭諺有鋪
金鎔之號

偏愛黃冠祀紫都為仙為帝總虛無馬遷也強宗元教
誰續華陽位業圖

齊東野語女冠吳知古用事內宴演參軍教坊輩請發文書參軍怒曰
我方聽感築請至三四首前擊其首曰甚事不破感築壞了又俗呼黃
冠為感築 涇河書畫册宋徽宗為東華帝君高板史記列傳以元載升天帝
下生 筠溪收潛集余居臨安有持大板史記列傳以元載升天帝
怪之莫知其本所出問諸博書者亦莫知也 因闕國朝會要見
宣和間有旨升老子於列傳首乃悟所見蓋宣和本今不行也

心事誰知默禱間滿朝敢道相公姦九年伍伯無人識

去訪東南何處山

江湖雜記槍旣殺武穆向靈隱祈禱有一行者亂言譏槍問其居址
槍賦詩有相公問我歸何處家在東南第一山之句槍令數何立槍色
守至宮殿見僧坐法事立問客曰地賊王快槍殺岳飛事數卒引槍至
身尚跌脚囚首垢面呼告曰傳語夫人東窗事發矣 昨非菴日纂錢
一為皂隸因秦檜請刑責人嘗至死後雖少悔只以流血為度隸乃汚
猪盪在板如是九年忽一日立班中見足離地而起槍呵其為妖隸以
前情曰某今日應
上昇遂乘雲而去

古牋葉葉染松煙監本猶珍後代傳歐瘦顏肥生態別

宦囊須辦買書錢

朝野雜記監本書籍紹興末年所刊也九月張彥實侍制為尙書始請
下諸道州學取舊本書籍樓版種行從之然所取諸書多殘缺故公監
列六經無禮記正史無漢唐二十一年輔臣復以為言上謂秦益曰監
監中缺書亦令次第鑿板雖重有所費不惜也由是經籍復全先是王
瞻叔為學官常請募印諸經疏及經典釋文許都縣以贍學或省係錢
各市一本置之於學上許之今王大夫仕於朝首率費紙墨錢千緡而
得善於監云 五帶細書所以貴宋版者不惟點畫無訛亦且箋刻精
好若法帖然凡宋刻有肥瘦二種肥者學顏瘦者學歐行款疎密任意

南宋雜事詩卷一

不一而足勢皆生動
箋古色而極薄不姓

中興詞翰坐春風科第繽紛出學宮花月平章二百載

詩名終是首文公

癸辛雜志乾清文渾厚謂之乾渣體端平江萬里自成一大家清祐徐霖
魁南首尚性理時競趨之以鈞科第咸清未請入倡為變體謂之換字
文章內多用莊列語 文獻通考清熙十四年鄉試得進士王容以下
上天委英明大廷策士多自陞黜不盡由有司是舉王容益自第三親
擢為榜首時儒生迭興辭章雅正號乾渣體 少室山房詩藪大抵南
宋古體當推朱元晦近體無出陳去非此外略有三等尤楊四子元和
體也徐趙四靈大體也劉戴諸人自
為晚宋而謝翱七言古時有可採焉

雲漢昭回奎宿明巖菴猶記大蘇名從來國運關文運

莫誤文章喫菜羹

庚溪詩話徽宗幸寶籙宮醮筵其主疏道流伏地久之方起上詰之答
曰值奎宿奏事上問何神對曰本朝臣蘇軾也上大驚 萬悉杭州府
志東坡菴在錢唐縣西六里東坡為守時止此後人鑿石為室名曰東
坡菴 道詞記事繪鈔南宋之文氣浮而詞細靡故國益弱如葉水心

之論周平園之漫陳平齋之雜 農田餘語宋南渡後文體破碎詩體卑弱惟石湖放翁爲平正至晦菴諸子始一變時習模仿古作故有神頭鬼面之論 老學菴筆記建炎以來尙蘇氏文章學者翕然從之有語曰蘇文熟吃羊肉蘇文生吃菜羹

春衫新翦瑞香羅插座頻宣小妓歌四色饅頭紅白酒
花茶坊裏喚廚平波

夢梁錄蒸作麪行賣四色饅頭薄皮春蠶孝仁坊口水精紅白燒酒會經宣喚其味香美入口便消大街有三五家開茶肆樓上專安著妓女名曰花茶坊一簪不奉色業藝專爲探聽放家賓客 世起唱暗啾裏所在以獻香送歡爲由謂之斷波

南瓦邀棚北瓦過繡巾小妓舞婆娑遊人不盡香塵擁
簫鼓開場打野呵

市肆記或有路岐不入勾欄只在耍鬧寬闊處做場謂之打野呵 又如北瓦羊棚樓等謂之邀棚 咸淳臨安志南瓦在清冷橋西有熙春樓北瓦在衆安橋之南 亦名下瓦有羊棚樓

明達高樓夜半鐘書聲蚤已聽潛龍凡塵留得天人像
南宋雜事詩卷一 八

願淡春風遍九農

剡源集佑聖觀記觀有明達樓阜陵嘗讀書其中 朝野雜記佑聖觀 宣熙三年建以奉佑聖正武靈應正君十二月落成或曰正武像蓋肖上御容也 庚溪詩話孝宗春賦淡土膏之流潤將勸功於九農碧草萋其帶露游絲飄其曳空丹綵架芳迢迢兮春風春風兮歸來信吹萬衆於秀州小名羊高宗選養宮中賜名暖適與崔府君同名

難將肥瘦定官家總屬天潢貌似花從此中興開七葉
狸奴偏是判龍蛇

金鑿事類紹興詔令訪求伯字號七歲以下者十八人宮十八人中擇一肥一瘦雷肥而遺靡未出思陵云更子細觀令二子叉手立忽一猫走前肥者足蹴之上曰此猫偶過何踢之安能 勝重耶遂留瘦而遣肥者瘦者卽孝宗也

誰主西湖造化功總相宜咏畫圖中四時分判拈題目
不見蘇公與白公

學吟載有遊西湖詩誰主西湖造化功峰分南北境相通四時風物絕 歌裏兩岸人家圖畫中堤柳送迎急雨波掉聲來往自西東風波便作

恩波看此樂君王與我同
逃禪詞趙祖夫畫西湖名曰德相宜作
水龍吟詞咏之方輿勝覽西湖在州西周迴三十里山川秀發四時
書册遊遊歌鼓之聲不絕好事者嘗命十題有日平湖秋月蘇堤春曉
斷橋殘雪雷峰落照南屏晚鐘麴院荷花港觀風柳浪聞鶯三潭印
月兩峰插雲案此爲十景之始可知出於南宋其來已久道州昔
衣集西湖詩山氣又晴時又雨樓臺依寺寺依山無聲詩一作兩峯
出雲派
山梅雪

堅壁長城慕勇功中興想望野人同
醫身醫國皆司命
星宿無如奴僕宮

漁隱叢話高宗南渡有稱中興野人運詞吳江橋上有云敵騎長驅三
犯關誰作長城堅壁一朝朝聞見錄臺臣有論列秦翰上繼先二人者
上曰槍國之司命繼先朕之朕自自此言者遂亡
進步是命或臣下不能始終仰副聖懷則曰吾奴僕宮星宿也能

栢子池邊弱柳新珠簾十一列宮嬪耕夫織婦排香几
不問蒼生問鬼神

楊太后宮詞雲影低涵栢子池秋聲輕度萬年枝
玉海紹興中於潯
令樓瑋畫耕織二圖高宗召對宣示後宮貴耳錄憲聖在南內愛神

怪幻誕等書郭象睽車志
始出洪景盧夷庚學志繼之

梅粉松黃作湯餅銀鱗青蟹供芳醺
冰天不愛花交菜
玉肺朝朝出御廚

山家清供紫帽山人作梅花湯餅初浸白梅檀香末和麪作餛飩皮每
一盞用鐵鑿如梅花樣者鑿取之可想一食不忌西湖又云大理寺
訪陳秋巖評事留飲二童歌歸去來辭以松黃餅侑酒又云正粉油
餅芝麻松子胡桃薔蘿六者爲末和入餅蒸熟切作肺樣後苑名曰
御愛玉灌肺以此見九重崇儉不嗜殺之意蟹略有洵蟹潮蟹時
令廣義引武林遺事云每年五月富春江上鱖魚最盛數人捕之移時
百里達於城市戒慈漫筆杭州俗呼黃菱菜爲花交菜謂諸菜多變
成異種谷多而渡遺風賣米者叫大雪以大雪收者佳羅芝麻者叫何
何舊姓何者

蹴得金爐動地驚旋看鐵塔起佳城
九重相與殷勤問
想道卿兒已長成

宋史紀事本末太子屬疾宮人蹴地上金爐有聲驚悸疾轉劇遂不起
初張浚以剪嘗焮帝位議去之朝野雜記建康初太子得疾未廖有

綿城初動五更鐘引領衆呈朝北闕秦大喜 書史會要秦檜能篆書金陵文廟井闌上刻其所書玉兎泉三字亦有可觀

湖隄何地葬桃花簡簡芳名未可誇賺煞西冷橋畔客

幾番松下覓香車

歐陽臨安志蘇小墓在湖上周紫芝云湖堤步游客言此蘇小墓也詩云野水橫分青草陂誰埋玉樹與瘦枝湖邊山自向人綠門外柳今何處垂行雨行雲均是夢施朱施粉未相宜一從蕙死蘭枯後剛道桃花好面皮 雙名志蘇小小一名簡簡 案蘇小墓並不在錢唐自武林舊事載在西湖而咸清臨安志亦載引周惟為縣前蘇小墓無人送疑有詩云嘉興縣裏逢寒食落日家家拜掃回惟有縣前蘇小墓無人送疑有紙錢灰墜廣微吳地志亦明載在嘉興縣側或謂李賀歌有西陵下風吹雨之句然西陵即西興亦並不在錢唐似不足據後之志墓者當考之正

對坐金獅映日明彩雲仙隊奏瑤笙黃羅盒賜東宮食
石首魚鱸土步羹

詩林韶漢楊萬里德壽宮慶壽口號雙金獅子四金龍贊出香雲繞殿中大上垂衣今上拜百王曾有箇家風 二老堂雜志殿上大宴有戲

南宋雜事詩卷一

十一

人控金獅子對設柱間 文獻通考宋女弟子隊日彩雲仙隊 隨隱漫錄每日賜太子王食批可膳內人所書也如酒醋白腰子三鮮筍炒鶴子烙鱸石首魚土步辣羹海鹽鮑鮑煎卧烏鳩湖魚糊酒蟹江蚶青蝦辣羹酒醋酥片生豆腐醋子清汁雜短胡魚肚兒辣羹之類

薰風駘蕩水芙蓉聞道冰船江上供瓜果浸來消永日

宮官小殿講中庸

雞肋竊二浙少冰雪紹興壬子車駕在錢唐是冬大寒屢雪水厚數寸北人遂奢藏之燒地作窖臨安府委諸縣皆藏明年五月天中節天適晴暑供奉行宮有司大獲犒賞其後錢唐無水可收時韓世忠在鎮江率以舟載至行在晝夜牽挽謂之進水船 松漠紀聞西瓜本出塞外自洪忠宣奉使歸得其種得之禁園鄉圃 石湖集碧蔓凌霜臥秋沙年來處處食西瓜 桐江集西瓜足解渴割裂青瑤膚 詩林韶漢真德秀宮夏詩午漏遲遲滴玉壺清陰霖霖布 庭除直教底事消長日大學中庸兩卷書

香雲漫與白雲遊千載錢唐豈得休識語何須憂鼎折

元勳一代在春秋

秀水閣居錄趙鼎起於白屋一旦拜相以臨安相府為不足居別起大堂奇花桂木環植周圍堂之四隅各設大爐為異香數種每坐堂中則

四爐焚香煙氣氤氳合於坐上謂之香雲 山堂雜考金明縣道士自稱白雲片鶴遊汴見趙鼎大呼曰中興名相他日又遇鼎曰吉陽相逢後鼎紹興五年為相有重名晚竄吉陽忽見白雲曰憶昔口之方議除難助編會稽士人有錢唐休者有名於時趙丞相當國人休乃因置除趙引折彥實為樞密其院中奏牘書名相次人有諱之者謂趙鼎折為不祥乃與錢事相類古今以誠語而為禍福者多矣 宋元通鑑幸棄疾帥長沙時士人或訴考試官濫取第十七名春秋卷葉疾察之信然索亞榜春秋卷兩易之啟名則趙鼎也棄疾怒曰佐國元勳忠簡一人胡為又一趙鼎鄰之地 案趙鼎字元鎮撰忠正德文集十卷四字高廟所賜宸翰中語也又得全詞一卷

青絲覆額灑銀豪寶騎裝鞍繫錦襍殿隔珠簾宣賜宴 庭開花燭慶同牢

朝野雜記高宗一朝童子求試者三十六人授官者五人萬頃彭興張宗柔朱虎臣劉穀惟虎臣能排陣步射及讀書故稱承信郎劉穀以小校子五歲善騎射故補校尉虎臣又賜金幣孝宗一朝童子求試者七十四人命官者七人有呂嗣興者四歲能誦書切韻變四聲書八卦又召見俾面諭詩授右從政郎令伴皇孫榮國公誦誦乾道八年春也又授王克勤右從事郎李如圭林洽何輝並進功郎何致遠將任即郭洵

南宋雜事詩卷一

三

直下州學光宗一劄童子求試者十七人無補官者惟從仕郎吳銅年九歲能誦六經語孟以壽聖親姪孫特改承務郎壬子四月也 談翁吉水李仰圭七歲中童子科孝宗召見與其父隔珠簾賜宴 引簡錄熊克家素儉約除起居郎嘗愛臨川童子王克勤之才將妻以女而之 資遣會草制獲賜金遂以歸之入稱其介 江漢叢談茶陵譚昭寶七歲應童子科登第謝啟傳入禁中理宗見而異之

柳絲高飈紅旗小蘭棹平移妓樂來十錦亭邊春市散 風光老去舊樓臺

西湖賦湖詠維百先言湖周爰有聚景園經所導芳致坤宮之孝養戚愛位以生蕃末四朝之游幸攬眾遠以平吞南有環碧兮北有翠微蓬萊於中泚賓慧日於前軒北有玉壺紅鴈尚存去環碧兮北有翠微蓬萊一垣慶樂有梅關桂林之勝珍禽異獸之繁亭連棟為十錦輝蝕苔以干言記南園之絕景扁西湖之洞天此皆始屬於禁鎖又不但嘗錫之侯藩 又云思見進魚羹之宋嫂猶多乘鶴舞之優人翦羅竹采花之監範鈴為穿柳之鱗飾木兵於小桁索景具於修習柘彈象管棍簞盆羅破凌波金釵照春 朝湖小集紫雲閣日號淺碧池參差臨斷岸黃楊柳護檐牙舊時歲歲春風裏長見君王出看花竹影參差臨斷岸花陰寂歷浸清流遊人難到闌干角盡日垂楊覆御舟 龍清歲時記蔣苑使小圃花木匝立標竿射梨秋千梭門 升菴外集陸放翁詩云秋千旗下一春他畫工作寒食仕女圖秋千架作兩絳旗 隋江詞

西湖調寄柳梢青闌草裏衣襟翠秋千瞥眼飛紅
舟調多麗云館娃歸蘇臺游鹿銅仙去漢苑飛螢
西湖賦白筵作

會聞總服到臨平龍德宮中祭奠誠一帝魂遊沙漠外

何來朽木與燈檠

商史紹興十二年己丑帝易繩服奉迎徽宗皇帝及顯肅皇后鄭氏懿
節皇后邢氏梓宮至奉安於龍德別宮 雲谷臥餘全遼志云五國城
頭有宋徽宗墓然則和議成而梓宮至臨安蓋以空制給宋朝考五國
城一名五國城頭在三萬衛北一千里自此而東分爲五國城各距京
城三千三百里 宋元通鑑紹興五年上皇卒於金五國城年五十四
遺言欲歸葬內地金主不許 朝野雜紀欽宗之喪舉哀於天章閣
南以學士院爲几筵殿上樓名曰永獻暨乾道中朝廷遣使求陵寢
地金人許以遷奉且併歸靖康梓宮朝廷難之金人乃以禮葬於韋燕
云 癸辛雜志楊妃發徽欽高孝光五帝陵初徽欽葬五國城數遺使
祈請於金人欲歸梓宮凡七年而後許高宗親至臨平奉迎易繩服
於龍德別宮至是發發二陵皆空無一物徽陵朽木一段欽陵木燈檠
一具而已 野獲編欽宗陵柩無尸止有木燈檠一枚按欽宗柩在北
高宗不肯歸金世宗以一品禮葬於鞏洛之原柩且不還安所得燈檠
也 諱輅紹興十二年皇太后韋氏至自金而靖康帝故未歸也豈常
時不請耶抑不遣耶至二十一年始遣巫伋迎之而完顏亮不知歸
後何處頓放似遂葬而退 考三朝北盟會編那皇后歸至中途上仙

南宋雜事詩卷一

三

案田志引癸辛雜識言
欽宗梓宮臨安者誤矣

回首中原長草萊金門土稚幾疑猜紛紛小脚船中客

爭買西湖黃胖來

渭南集嵩山景迂廊時排問詩莫言無妙麗土稚動金門 鄒夫善作土
偶見宮禁及貴戚家爭以高價取之爲玩喪亂阻隔南人不復知此句
遂亦難解 夢梁錄小脚船專載賈客小妓女荒鼓板燒香婆嫂 白
爾 猶憶迎春黃胖起於湧金門外地有杏花園游人多取其黃土戲捏爲
人形

家鄉風物嗜鳴蛙聖主頻頒惠愛加寫到坐魚資雅博

市門日日送冬瓜

四朝聞見錄杭人嗜田雞如炙卽蛙也憲聖渡南以其酷似人形刀贊
高宗由嚴禁止都人習此不能止售者至列冬瓜以實之憲請食蛙者
之門謂之送冬瓜又黃公度卽闕宿戒庖兵市坐魚三朝庖兵不曉時
林執善爲州學錄庖人問馮林語以可供田雞三朝庖兵納人公度笑
曰誰教汝庖以善對黃
公遂館林于賓閣云

中興香繞玉階深
瞻笏頻頻用表忱
鷓鷯兩行齊拜舞
閣門多是鮑魚音

香乘光宗萬幾之暇留意香品合和奇香號東閣雲頭香其次則中興復古香 老學菴筆記紹興中朝參止磬折遂拜今閣門習使先以笏叩額拜拜皆然謂之瞻笏亦不知起於何年也 貴耳錄孝廟時取北人於閣門充贊喝贊雄如鐘有京洛氣象嘉定來多以明台溫越人聲皆鮑魚音矣

德壽書名滿市廛
一丁猶是賦三千
不須更問燈籠錦

翼翼宮旗插冀船

齊東野語德壽宮建房廊於市廛役者不知體凡門闔輒書德壽宮汪應辰出劉極言之上不擇會德壽宮市豎籠錦不得太上曰比已得之汪應辰家物也 宋稗類鈔南渡後浙中賦稅全是橫欲丁錢有至三千五百者人由此多去計會中使作宮中名字以免稅辛幼安云曾見冀船亦插德壽宮旗字

蘋蘩亦可助調羹
老嫗驕兒御賜名
獨坐綸扉兩朝宰

南宋雜事詩卷一

古

閨中不許號先生

黃氏日鈔賈似道始生之日錢唐宰郭應酉以詞賀之并頌其母蓋賈之母朝命封兩國賜號賢壽 檉菴小乘賈似道母胡氏贈秦齊兩國賢壽休淑莊穆夫人諡曰柔正又秦檜妻王氏自號冲正先生見陸務觀王佐稟志 朝野遺記秦檜妻王氏秦陰險出其夫上 兩浙名賢錄秦檜妻王氏陳乞舊所得恩數未領者自稱冲正先生王佐爲秘書省校書郎駁之曰妾婦安得有此稱向者誤恩今得追正

安前幾樹碧桃花
曾駐龍旂耀日華
兩岸水聲芳草路

居民猶話宋官家

西湖百詠年來青島碧桃花築室安前卽是家玉貌星冠隨絳節雙成不及魏無瑕 武林梵志高宗南渡議西溪建立行宮因幸西溪相度形勢遂駐蹕於沈氏有沈諸者進食獻茶帝大悅曰西溪且留下後遂相傳爲駐馬沈 西溪梵隱志西溪有三橋多植柳濃陰夾道東西兩涯民居臨水花木周廬亦稱花市又安前之名特裝墩董竈並著其義未詳

滿苑奇花擁至尊
宛書宸翰代天恩
細看御寶新紅沫

猶有香生粉指痕

太平清話四明樓瑋繪掛繡圖後此圖流傳人間見逐段下有靈聖慈烈皇后題字皇后姓吳配高宗其書絕相似又御前應制多文流也甚為沈姑姑演史為張氏米氏陳氏說續為陸妙慧妙靜小說為史惠英隊歲為李端娘彭成爲王潤卿 霏雪錄宋故事棗中處分事付外謂之內批又謂之御批皆今夫人代書 雷青山札徑曰札徑宋時萬壽禪寺大碑其中一御寶至今如朱砂印痕風雨不剝滅此名紅沫也

香水銀盆看浴時圍紅攪亂小釵枝浮浮花果爭相取
少婦偏尋立棗兒

夢梁錄育子滿月外家以彩畫錢或金銀錢雜果及珠翠額角兒食初送其家大展覽兒會餽香湯於銀盆內下洗兒果用色絲繞盆謂之圍盆紅尊長以金銀釵攪水名曰攪盆釵散於盆中謂之添盆盆又盆內有立東兒少年婦爭取而食之以爲生男之徵

三臘移窠過別房銀盆彩蛋與眠羊實親來慶洗兒會
只少崑山粥米莊

夢梁錄三朝與兒落胎須領七日名一臘十四日名二臘二十一日名三臘女家與親朋俱送膳食又兒落胎髮畢抱兒遍誦請親及抱人過婚房中謂之移窠又育子父母家以銀盆或綵盆盛粟棗一束上簇通草花梁貼五男二女意思及眠羊臥鹿以絲畫鴨蛋百二十枚及芽兒

南宋雜事詩卷一

五

繡棚彩衣至婿家 齊東野語楊和王第六女事向子豐一日向妾得男楊以爲己出王厚遺其女且撥吳門良田千畝以爲粥米今向氏有木莊

東禾何必再三將靴革當年亦渺茫獨坐中書書刺字
果然紅日壓無光

老學菴筆記秦會之專國執革中又多三人各持禾一束曰秦字也其言亦頗驗及秦氏廢亦無人占得此卦矣 宋稗類鈔乾道中駁放秦填等科名方集議時中司誤以駁爲剝秦畏中司護前遂皆書曰剝又謝石拆春字謂秦頭太重壓日無光忤檜死於成

秘書省坐狀元慙紅履博巾侈笑談石鼓墨文今在否
裝池碑版付枯蟬

朝野雜記紹興十二年秦申王當國其子熿始冠多士十五年以秦熿提學秘書省 南宋相眼陸務觀云嘗記先人說紅鞋飾帶始唐莊宗施之優人文昌雜錄滑臺賈昌朝畫像猶黑鞋不知紅鞋起於何時雲飛湯鈔元祐間有溫公帽伊川帽未有巾之名渡江後方著紫衫號爲窄衫盡巾中之製有圓頂方頂博頂翠頂秦伯陽以博頂服去頂內之重紗謂之四邊淨 石鼓文猶鄭真模寫具字之可曉者而隨用其

見以爲之辯南劍州州學以躑本錢木紹熙辛未有以墨本見示者建康秦丞相家藏本也點畫模糊皆不可讀 甘露園短書秦虜當其父檜就政十九年中無日不煇酒器無日不煇背書畫碑版

空向權門去附名龍圖曾是說端明蘇家骨肉皆零落
悔不聞奴序弟兄

咸淳臨安志紹興元年禮部尚書秦翰參知政事龍圖閣待制孫觀賀
檜有曰盡室航海遠復中州四方傳聞感涕交下冀蘇武節毛盡落止
得屬國唐杜青麻鞋入見乃拜拾遺檜以爲譏已大怒 快雪堂集跋
宋孫尚書觀尺牘云聞之毘陵人尙書賈大蘇公遺體孫老得公棄婢
而生畏時禁不能自明而詳其顛末於家乘 朱子語錄梁師成自謂
東坡遺腹子待蘇叔黨如親弟兄論宅庫云蘇學士使一萬貫以下不
須復 考香祖筆記坡公往陽羨憩村舍見一童子頗聰慧出對句云
衙門能子瑯瑯器童子應聲曰翰苑仙人錦繡腸坡喜之童子即觀也
然則遺體之說妄矣 按孫觀字仲益撰鴻慶集四十卷

木陰斜轉月娟娟片紙驚看戴角豨判得棄官何處去
雲中來往翦頭仙

南宋雜事詩卷一

夫

夷堅志秦檜下岳飛大理獄周三畏鞠之遇夜間行見古木下一物似
冢而角周却步此物徐行至獄傍小祠而隱經影夕復往月甚明又見
前怪首有片紙書發字 樵書大理卿周三畏不肯鞠問岳武穆掛冠
而去不知所之後於延安葭州山中有翦頭仙人日欲淨水三麻與人
論及宋事咸陽冤死仙飄大哭問其姓曰姓周後忽不知其何
從而去空中隊名帖二紙書周三畏拜謝乃知翦頭仙卽周也

佃客當時岳五郎廬山淚血灑松篁獄辭一紙書天日
不願千年姓氏香

宋釋類鈔岳大尉本是韓魏公家佃客每見韓家子弟必拜 學圃遺
蘇初岳飛從戎留妻養母姚氏既而河北淪陷訪求數年不獲俄有自
母所來者寄聲曰爲語五郎勉事聖天子無以老嫗爲念也飛竊遣人
迎之往返十有八然後歸奉之後宣撫襄陽母死與子雲跪足扶柩歸
葬路人無不涕泣旣葬處於墓側 揮塵錄張唐老白九江來聞岳侯
父子伏誅唐老云去歲在匡廬正觀岳侯葬母儀綸甚盛一僧爲言岳
葬地雖佳掩壙之後子孫須有非命者然經數十年再當昌盛 同語
錄岳武穆獄案今在蒲陽陳魯公家世本無獄辭但大書天日昭昭天
日昭昭八字是罪案乃是細書與前筆跡不同不知後來如何楷
成卷也 竹莊舊藁讀岳鄂王行實詩一片堂中紙千年身後名

賜來盾樣龔文綈玉軫金徽御墨題不見薦紳稱四絕

曾知閣譜重江西

玉海高宗賜洪皓御銘盾樣琴一上曰古人琴製不同朕製盾樣以示不忘武備之意 佩楚軒容談端清薦紳四絕楊嗣翁琴趙文中棋張溫夫書趙子固畫 清容集琴述往年錢唐楊司農以雅琴名於時有客三衢毛敏仲嚴陵徐天民在門下朝夕損益琴理剛潤別為一譜以其所居曰紫霞名焉自渡江來譜之可攷者曰閣譜曰江西譜閣譜由宋太宗時漸廢至皇祐間復入秘閣今世所藏金石閣畫之精善咸謂閣本蓋皆昔時秘閣所度而琴有閣譜亦有義也方閣譜行時別譜存於世良多至大晟樂府證定益以閣譜為貴別譜復不得入其學寢絕紹興時非入閣本者不得待詔曰江西者由閣而加詳焉

綠雲深擁御袍黃一枕琉璃清夢長花竹後來誰弛禁

海棠樹樹染天香

松隱集題禁中黃石榴安石開花比御衣綉紅繁綠不能奇上林別有嬌黃貴如剪水納硯玉肌又禁中茶蘼詩密葉素華青羽幘繁香秀色六銖衣枕闌為插琉璃滿清夢冷冷入翠微 宋元通鑑內侍移竹栽入內趙鼎見之責曰良獄花石之擾皆出汝曹今欲蹈前轍耶因奏其事帝改容謝又紹興二年禁買花木珍禽臨安譜門不許放入 海棠譜一卷錢唐陳思檢開慶元年自叙云海棠自杜陵絕吟至鄭谷已為

南宋雜事詩卷一

舉似本朝列聖品題雲章奎畫炬耀千古此花 盛傳於世余因採集諸家為一編曰海棠譜

訓唱詩章洵雅嫻窄衣絲履識龍顏五雲玉座傳香遠

射梁前排招箭班

武林遺事孝宗幸玉津園講藝射禮皇太子宰執皆從賜宴上服頸巾窄衣束帶絲履內侍御帶進弓箭看箭人喝看御箭教坊樂作射梁前排立招箭班皇帝射中太子以下各拜稱賀上賦七言詩丞相以下屬和又招箭班者服紫衣幘頭叉手立於梁前御箭之來能以幘頭取勢轉導入的亦絕技也 松隱集從駕玉津園詩天子行春御六龍五雲同暖泛晴風和鷺寶苑梅花路賸有香傳玉座中 東京夢華錄招箭班外又一人口銜一銀盃兩肩兩手共五隻箭來則 能承之射畢駕歸宴 觀此南渡制度皆承祖制

千秋聖節拜彤宸詔賜餼牲及下臣慶禮常聞南北使

金人擇日作生辰

宋史高宗天申節五月二十一日孝宗會慶節十月二十二日光宗重明節九月四日甯宗瑞慶節十月十九日理宗天基節正月五日度宗乾會節四月九日 玉堂雜紀宰執及親王生日預申學士院撰詔書及賜日一紙祖宗時性儀外又錫器幣過江後牲饋耳米麩本色羊準

貢酒則臨安醞造加以黃封 周益公年譜七月甲子中使賜生日生
饋米麩羊酒 松漠紀聞金人生日各分占良時糝軍以正旦膳室以
元夕烏曳馬以上已國主賈以七夕等 老學菴筆記高熙已酉金邊
帥移文境上曰皇帝生日日本是七月今爲南朝使臣冒暑不便已權作
九月
一日

諸生伏闕捲堂歸當路無才愛養違甯遠荒阡寒食候
尚餘草木戀春暉

詩夜錄清祐十二年武學爲同舍楷本京尹奈太監晦差伍作搔檢
揭帛裂衣暴露兩日齋栗同太學伏闕上書不報各捲堂散去司業蔡
抗申奏卽就出浙江亭呼吏出榜云就廢官會一百萬照甲牌依散以
表賑卹之意 咸化杭州府志宋有甯遠阡葬太學生死而無歸者在
方家峪梯子嶺下園
子司業王介撰記

江上風吹羅刹沙九重遙拜護仙查攢宮已建容車出
萬國齊簪白柰花

列朝詩選錢唐江一名羅刹江 聞見錄顯仁太后龍輦將渡會稽上
預恐風濤爲孽於宮中默禱清忠廟及篙御旣戒浪平如席 揮塵錄
紹興初昭慈聖憲皇后升遐朝諭欲建山陵曾公卷以謂帝后陵今存
伊洛復中原卽歸附矣宜以攢宮爲名 堅瓠集甯德皇后從徽宗家
塵紹興五年計者來徽州唐輝使休甯尉陳之茂撰疏文
云十年擢薤終弗返乎蒼梧萬國銜冤人盡簪乎白柰

南宋雜事詩卷一

六

大理埋魂骨已枯復仇九廟獻軍俘拚香棄雪清風鎮
誰寫將軍嘗后圖

宋元通鑑史高之遣使以孟珙所獲金哀宗遺骨及寶王法物并俘囚
等獻於臨安備禮告於太廟藏其骨於大理寺獄庫 癸辛雜志史高
之開判湖閩與孟珙合元兵攻蔡州獲孟金守紹殘骸以歸且繪八陵
圖以獻 見只篇宋人嘗后圖上有題云棄雪拚香無處者這面孔一
綜兒是清風鎮的樣子那
將軍是報粘軍的孟珙

四海歡聲傳墨本恤刑寬政頌臬陶頻年獄吏宣恩處
青火桁楊享少牢

山堂肆考紹興二年詔以恤刑手詔刻石頒諸郡縣奉使魏良臣曰此
人得上親筆恤刑墨本日恤刑如此民心安得不歸 宋史高熙元年
守臣胡與可奏三院獄空上賜鑿書獎諭 古杭雜記舊傳三歲并郊
或明堂大禮所有在前談國恣臣首級在大理寺者必以文祭蓋詔傳

謂以污穢之物祭之其實乃少年也其文云國祭于三年恩霈汝雖誤國然今亦不忘汝之舊特用以祭

今日士師非禾絹申王已見臥書齋滿朝伴拜毋多語
還有臺端肉簡牌

困學紀聞誠齋為章壽墓銘云今日士師非禾絹士師也宋明帝紀胡母嬰專權奏無不可時人語曰禾絹閉眼諾胡母大張索禾絹謂上也蓋謂秦檜執政士師非主上之士師也山堂肆考宋秦檜初為大學士號秦長脚一日睡於窗下有異人來詣檜語其問舍郎曰他日此人誤國害民天下同受其禍諸君亦有死其手者劉時舉續資治通鑑自檜當國士大夫之名望者悉屏之遠方羅觀委靡不振之徒一言契合即登政府仍止除一廳謂之伴拜稍出一語斥而去之王宗沐籍資治通鑑獨愿為中丞迎合檜意以舉劾人號之為肉簡牌

鐵牙班心列諫官滿朝人指滿朝歡一遭白簡書名姓
又使家人製藥丸

王宗沐續資治通鑑章繼居位號寬厚與人多許可時目為滿朝歡劉時舉續資治通鑑紹興元年何澹同知貢舉劉光祖除殿中侍御史首上學術邪正之章及奏名破音入院拆卷出同院謂光祖曰何自然見公所上章數日為之恍惚日便定志尤他可知也

南宋雜事詩卷一

當時深悔和魚須蚤列江西詩派圖齋閣焚香滌研外
煎茶偏自喚昌奴

困學紀聞徐師川以諫議召程致道在西垣封還除書言與中貴人唱和魚須之句為人所傳一詩說雋永徐師川贈中貴鄭書公諫詩平生不善劉蕢策色色人中自有漁隱叢話師川因鄭蕢而進致身樞府東湖集中與鄭唱酬亦多又呂居仁江西宗派圖推豫章黃山谷為詩祖列陳師道潘大臨謝逸洪芻饒節僧祖可徐俯洪明林敏修洪炎汪革李錚韓駒李彭晁冲之江端木楊符湖適夏倪林敏功潘大觀何顛王直方僧善權二十五人以為法嗣謂源流皆出自禪章也通史鄭編徐俯字師川號東湖七歲能詩為山谷所知以父禧事受通直郎邢昌爵位遂致仕工部侍郎何昌言與弟昌辰登邦昌諱皆改名俯買婢名昌奴客至即呼前驅使之堯山堂外紀徐師川是山谷外甥晚年欲自立名客有稱其源自山谷者公讀之不樂答以小啟曰涪翁之妙天下君其問諸水濱斯道之大域中我獨知之蒙上案此則師川久已無涪陽之情矣且藉閣寺以進身倒行逆施皆晚年之事以邦昌名其婢頗覺可嘉特表出之

栖雲花月小坡仙元祐儀型屬後賢天寶遙遙千載事
又從詩酒薦青蓮

山堂肆考宋趙遠資州人累遷至中舍高宗以其文章似蘇軾人號為小東坡有棲雲集行世 歷代臣鑑張浚與趙鼎共政多所引擢從臣朝列皆一時之望人號為小元祐 清容集跋汪龍溪外制草崇觀詞臣以扇對全語為高獨龍溪先生痛啼時弊盡復舊制之善不幸為秦氏子擯斥 劍南集題跋孝宗一日御華文閣問周益公曰今代詩人亦有如唐李白者乎益公以放翁對由是人競呼為小李白

虎頭金甲列前局天眷牛車去不停尋得周家姊妹帖

朔風腸斷讀零丁

根窗小牘靖康已前汴中門神多番樣戴虎頭盔而王公之門至以揮金飾之識者謂虎頭男金飾便是金人在門也 甲仗錄太上皇太上皇后鄭氏至金營諸王嬪御以下畢至親王二十八人帝姬一十五人皇太子一人諸王男女一十六人 三朝北盟會編金人遷天眷於通塞州去燕山府一千五百里給田十五頃令種蕓以自養 經濟類編上皇離青城金人以牛車數百乘載諸王後宮皆金人牽駕不通拜言放翁題跋周侍郎尋姊妹帖方建炎多故皇嘗加林士大夫冠祠有盡室不知存亡者觀周公所書可為流涕 案東漢戴良有尋父零丁即今尋人帖子也

八罪彈章上玉階育翁負鼓唱荆釵梅溪莫笑元辰命

南宋雜事詩卷一

曾憶無衣臥學齋

三

王宗沐續資治通鑑侍御史王十朋論史浩懷姦悞國等八罪遂罷浩知紹興府 天祿識餘玉蓮王梅溪先生十朋之女孫汝權宋進士與梅溪為友敦尚風道先生劾史浩八罪汝權實德忠之史氏所最切齒遂妄作劄錄傳者謬其事以饋之 升菴外集晉說友王安撫使今傳奇王十朋有此人訛為錢 餘姚許浩劄錄百錄 鞠叢語又王朋云術者謂子命犯元辰故仕輒已子笑曰是有哉戲作問答語又十朋寓居臨安偶值乍寒諸生有陳元佐劉士宗各借以衣童生謝倬謝侃濟以衾因作二詩以贈 案王十朋字龜齡撰梅溪奏議三卷史鞏陳之茂嘗致浩浩擬之茂進職上日卿以德報怨耶浩曰臣不知有怨若以為為怨而以德報之是有心也莫濟談浩尤甚浩薦濟掌內制上曰濟非議卿者乎浩曰臣不敢私害人按 史鞏史浩寬厚如此刑叙之作果何為耶

禪牀夜午春生夢書閣燈青月覆香一種痴情何處是

風流都入選優場

古今女史宋女貞觀陳妙常尼年二十餘姿色出羣詩文俊雅工音律張于湖授臨江令宿女貞觀見妙常以詞調之妙常亦以詞地詞載名媛瑣囊後與于湖故人潘法成私通情洽潘密告于湖以計斷為夫婦即俗傳玉簪記是也 警心錄陳濱祖為賈似道之客守正為諸客所

疾內人亦惡之二月 諸姬爭寵密竊一姬 襲藏涓祖牀下 意欲并中二人也 賈方知其無他 遂勸諸姬 得其情由 是極契 遺祖後 遂有知南安軍之命 金元院本演其事

一餅清甌雪點初 晚香和月入簾疎 空傳舊樣紅綾袋 貢錄先將小鳳除

咸淳臨安志 周必大賜筆記 次韻詩 天香 設炷薰常 歌貢者 虛雷 棟頓 殊晨 壁搖風 愁暮冷 夜窗 透月 喜 簾疎 註 雖賜香 而火 禁甚 嚴不 許 炷 爐 諸位 總賜 茶 三百 斤 舊 每斤 卽一 紅 綾袋 凡十 餘團 今乃 給黃 袋 拆 而分 之以 一餅 爲一斤 治 典 吏 移易 也 北苑 茶錄 先人 作茶 錄 當貢 品 極勝 之時 凡有 四千 餘色 紹興 戊寅 充攝 事 北苑 闕近 所貢 皆仍 舊 其先後 之序 惟躡 龍團 勝雪 於白茶 之上 及無 興園 若小 龍 小鳳 蓋建 炎南 渡有 旨罷 貢三 之一 而省 去之 也 五雜 組 茗有 片有 散片 者卽 龍團 舊法 散者 則不 蒸而 乾之 如今 之茶 也 始知 南渡 之後 茶漸 以不 蒸爲 貴矣

丞相生辰駙使聞四方車馬已紛紛漫誇天慶觀中列不及高家九錫文

南宋雜事詩卷一

續資治通鑑 韓侂胄 却生日 賀儀 仰泰 官徧 行關 報時 士大夫 或獻 紅錦 壁衣 承塵 地衣 之屬 修廣 高下 皆與 中堂 等有 獻 紅牙 果卓 眞珠 搭檔 遇生日 大臣 以下 皆排列 所獻 於天 慶觀 之廡 下 都人 競往 觀焉 談 蒼 韓侂 胄生日 高似 孫 獻詩 九章 每章 用一 錫字 以寓 九錫

阿殿歸來報舉觴 迎門三十六鴛鴦 南園又有閒風月 蚤逐笙歌過別房

王宗沐 續資治通鑑 韓侂胄 愛妾 張潭 王陳 四人 皆知 郡夫人 丹鉛錄 宿宗 時武 學生 華岳 池州 人 上書 極論 韓侂 胄之 惡 并詆 程松 之納 妾 倪 俱 售 妹 蘇師 且獻 妻書 奏侂 胄大 怒 下之 大理 貶建 甯 嗣士 中 死於 獄 近觀 歷代 名臣 奏議 可謂 詳矣 而岳 奏不 在其中 故表 出之

夜半中宮調虎符 軟纏能敵鐵鞭無 九重尙拔追回淚 去國誰憐趙汝愚

四朝 聞見 錄 虎符 半在 禁中 半在 殿嚴 開禧 間 慈明 陰贊 甯皇 誅侂 胄 出御 批 授 錢象 祖 象祖 授殿 岩 夏 震 遣其 帳下 鄭發 王斌 邀韓 重於 六都 橋徑 出玉 津園 夾瞻 韓身 夏 軟纏 用鐵 鞭 中韓 陰乃 死地名 磨刀 坑 又甯 皇時 聞韓 出玉 津園 亟用 幾批 毀司 前往 追回 韓太 師慈 明持 慶泣 且對 上云 若欲 追回 他我 請先 死甯 皇拔 淚而 止 宋史 建炎 改 爲 虎符 樞密 院主 之其 制刻 篆中 分 誠 蔡趙 汝愚 橫遭 謫去 國之 日

天爲兩血京城人以益盜財之色殷然 宋史本傳史彌遠錢象祖等
赴延和殿以殛侂胄闕帝不之信越三日帝猶謂其未死蓋是謀悉出
中宮帝初
不知也

行間江南孰自謀私財官物已都休出師不草當時詔
伴簡何來雙鬪髀

引簡錄金購得侂胄族人韓元觀使行間於宋送令渡淮宋督府丘密
奏之宋方欲盟卽遣密護元觀北歸因密諭密使歸罪邊將以請和
四朝聞見錄開禧兵端既敗國用漫虧侂胄上表自謂家藏先朝錫子
金器六千兩上之甯皇優詔允其請天下笑韓之欺君 筆塵韓侂胄
出師數畝自悔失圖私出家財二十萬以助軍興而募人持書赴金求
和然竟不免於函首 朝野雜記韓侂胄將舉兵三以葉正則監草土
院蓋藉其名使草出詔詔也 正則喻其意詔師旦首至金金主璵御應
宋元通鑑嘉定元年王剛以韓侂胄首蘇師旦首至金金主璵御應
天門備黃麾立仗受之百官上表稱賀懸二首并畫像於通衢
令百姓縱觀然後漆其首藏於軍器庫遂命完顏匡等罷兵

袈裟偏袒醉醺醺多少山靈奉事殷不引紅粧看花棒
風流傳得起棺文

南宋雜事詩卷一

三

靈隱志道濟侍者台州李氏子初參聽堂知非常僧然飲酒食肉有若
風狂監寺不能容聽堂云法門廣大豈不容一類僧人遂不敢言及達
公既寂出居淨慈在本山有化砌靈隱至錢唐門街道疏 淨慈寺志
神運井在香積廚內泉極甘冽皎焉沖照其下縱廣約二丈餘窺深溱
魂內外引汲不竭嘉定時有六甲神常協僧道濟運木於此故云相傳
其風與江水通又名通江又濟顛常爲佛事必請親戚婦人觀看主母則
杭雜記杭州市肆有喪之家命僧爲佛事必請親戚婦人觀看主母則
帶養孃隨從養孃首問來請者曰有和尚弄花棒鼓否而請者曰有則
養孃爭肯前去花棒鼓者謂每舉法事則一僧三四棒鼓輪轉拋弄
諸婦女競觀之以爲樂 案濁師兒事已詳第四卷中茲不多列

封章誰道左司賢獨秉鈞衡十七年癡漢滿朝緣底事
金人歲歲問胡銓

甘露園筵書胡澹菴上高宗封事是范左司瞻作范擬上澹菴慮其親
老禍且不測取以爲己意上之非澹菴筆也今人知有澹菴而不知有
范澹范澹之不幸耳 昨非菴曰纂紹興末朝士多饒州人時人語曰
諸公不是疑漢 宋碑類鈔乾道初金使來猶問胡銓今安在張魏公
日秦檜持柄十九年只成就得一個胡邦衡 考談舊宋申王檜以紹
興八年右僕射同平章事再擅政進少保太師以二十七年殂凡十七
年案胡銓換忠
簡奏議四卷

得遇天家畢骨董虛將薰染供郊園金龜已苦多尸氣
彝鼎輸他列死軒

三朝北盟會編畢頁史字少董以買賣古器書畫赴行在思陵方搜訪
古玩恨未有辨其真偽者得頁史甚悅月給俸二百千而食客滿門時
號貧孟嘗後權知東明縣搜求古器書畫復載以強行在大又號之畢
骨董紫桃軒雜綴古鼎彝器黃銅今入得之地中者歲久色變自應
爾今郊廟所製乃用紫葉葉作舊器此何理然則樂燒銅物已絕於宋
矣 癸辛雜志景定中而若水墓為賊所劫其棺上為一榻盡平日
所愛法書名畫時董正翁得其榻亭一卷真定武刻也後有名士跋語
甚多其精神煥爛透出紙外正翁極珍之然尸氣所侵其臭殆不可近
或教以檀香能去尸氣遂作檀香函貯之然付之庸工裝潢頗為裁損
所謂金龜八字云 研北雜誌畢少董命所居之室曰死軒凡所服用
皆上古壙中之物
玉如彼合蟬是也

煙飛小朶躑雲根梅子青青客打門詩酒四時春萬樹
紅亭却建別家園

太平清話范石湖小蛾嶺靈壁石也煙江疊嶂太湖石也天柱峰英石
也皆歸休時翫玩 語林范至能喜啖梅人嘗致一斛齋至能食之須
與而盡 酒小史范至能有萬里春酒 四部彙范至能有雲霞酒
弘簡錄張說乾道七年除發書樞密院事朝論不平申書舍人范成大
不草詞說罷為奉詞說語人曰范至能亦胡為見攻指
所坐亭曰是材植皆至能所惠 案范至能鑽石湖集

南宋雜事詩卷一

錦官先進牡丹羹分賜宮袍出上林象尺薰爐寒夜永
文牕深度美人鍼

文獻通考乾道二年戶部言左藏東西庫每歲所賜賜袍親王宰執以
全匹餘裁裂給之請皆照以全匹上從之又明宰錦袍有翠毛宜男雲
雁細錦獅子練鞘寶照大錦寶照中錦凡七等應給賜袍者皆五件次
四件次三件次二件 淳熙玉堂雜記十月朔賜錦袍者皆五件次
雕尙書八搭量錦幸臣使相天下樂蜀錦譜建炎三年始織造錦綾
被褥乾道四年卽舊廉訪司設已堂瓶錦院有上高錦官諾錦細色錦
等其名有八答量 盤球 篋四金鵬 水林椅 翠地獅子 天下
樂 大窠獅子 大窠馬 雙窠雲雁 宜男百花 瑞草雲鶴 如
意牡丹 穿花鳳 正紅雪花球露 大百花孔雀 六金魚 紫
段子 聚八仙 天馬 飛魚 正紅大被褥 卓大被褥 青大被
褥 四色中被 緋大被 正紅雙連椅背 正紅單椅背 輟掛錄
高宗渡江後權賜講求為多錦繡如克絲樓閣 克絲龍水 克絲百
花橫龍 克絲龍鳳 紫寶階地紫大花 五色簾文 小楠珠方勝
鸞鶴 青絲簾文 紫鸞鶴 百花龍 窠紋 珠紋 紫山水

荷花 紅霞雲鸞 黃復雲鸞一名絳霄 青樓閣 青大落花 紫
 摘珠龍團 青櫻桃 早方團白花 方勝盤象 球
 路 綬帶 瑞草 八花 暈 銀鈎暈 細花盤鴨 翠色獅子 盤球
 水藻戲魚 遍地雜花 遍地翔鸞 遍地芙蓉 七寶金龍 龍球
 仙牡丹 白蛇龜紋 黃地碧牡丹方勝 輟耕錄一條厲君太鴻第
 六卷銅標裝池一首註也今所謂宋錦者其名
 色益詳於南渡行都矣向註偶略因錄於此

宸書曾為擬汾陽勲業准西亦可方一字裏巾一把雪
 慚無秦蜀入封疆

山堂考索高宗御書郭子儀傳賜韓世忠又書裴度傳賜張俊 三朝
 北盟會編韓世忠既罷兵柄為樞密使乃製一字巾入都堂則裏之出
 則以親兵自衛槍頗不喜 韓蘄王神道碑王在軍中獨馳騎馬使一
 把雪執信字旗一把雪者其兵之曹號孟趨捷善走之人也 王庶家
 傳公為兵部侍郎對殿口陳手
 畫秦蜀形勝刊書上大憲之

翠翹筆底散天葩 豔豔芳容暈曉霞 樺燭影中二十二
 杏紅箋上寫春華

南宋雜事詩卷一

言

焦氏說倦翹翹洪內翰侍人題畫竹云翠翹戲筆字畫婉媚程大昌題
 詩戲作風枝斜再撥玉堂宿 異聞錄錄臨安倡女儀二十二名珏頗
 慧悟能立成詩調予於席間與紙筆即賦詞
 大略美吾兄弟有鄰江英氣鍾三秀之句

千秋廟貌錦江濱 獻助謀猷四木君 可惜月湖佳子弟
 空傳遺墨號昇聞

續成都記武侯祠壁間嵌一小碑上鐫繪像衣冠甚古雅題云丁誦字
 文伯石埭人也宋嘉定初進士有詩名以竹史闕述出師成都元入
 蜀公不屈死之詔諡恭愍賜廟祀漢有司春秋祀 瀛奎律覽成都太
 守自國朝以來至今皆畫像云 王宗沐續資治通鑑薛極與田契藉
 子述趙汝純附史爾達最親用事時人謂之四木 清河書畫廡史守
 之越國公浩之孫衛王爾遠之姪杜終朝奉大夫中 年避勢遠嫌退居
 月湖 甫田集史守之退處月湖與慈湖諸公講肆為樂甯宗書君誥
 二字賜之 太平清話宋史守之心非叔父爾遠所為著昇聞錄以萬

規

九市官街新築成 青裙販婦步盈盈 三更歌笑明燈火

巡檢傳呼出御營

渭南樂凡都城橋梁道路皆包道成力治之費至鉅錢百餘萬 續文獻通考宋理宗嘉禧中臣蔡言蔬菜魚肉日用所須販夫販婦所貪錘刀以營升斗者皆以官價強取之終日營營錢本乾沒 華谷集詩天上巖來打六更夢回搔首正蒼騰玉霜初上三更月絳綵猶明九市燈 登嶽銅魚催勘箭影斜金雀在瓠陵帝鄉東望重回首佳氣何時到五陵 學詩初慕天街夜步詩風不停雲月更清千門繡幕笑歌聲御營 巡檢無拘束走 馬天街夜達明

賜來金白耀街衢百藥無如用呪符佛佛不知煩惱界
才辭禁藥卽艷都

船窗夜話孝宗嘗思病德壽憂之過宮偶見小藥局遣使宣之至語以食湖蟹多故至此醫曰賜之乃命以官至今呼爲金杵曰嚴防禦家 德壽乃大喜以金杵曰賜之乃命以官至今呼爲金杵曰嚴防禦家 錢隱志天醫波利多乃天醫菩提化身湛熙間居飛來峰 山堂肆考杭州慈聖院有呂公池宋乾道間高僧能取池水呪之以施病者輒愈 號聖水池 遂昌雜錄馬都錄者號靜齋以道法際遇度崇賢平章以海味進謝后嚼之池瀉不止馬進符水飲之而愈因言曰臣上告佛佛 繼今他人進飲食不可造次供御言出買已知之甫出禁門卽下臨安 府獄面刺雙旗 押付鄆都寨

南宋雜事詩卷一

五

歲寒亭外過西邨橫幅窗閑坐小軒半樹梅花流水上
酒標挑出竹籬門

遂昌雜錄孤山之陰一亭在高阜上曰歲寒經亭皆古梅亭下臨水曰挹翠閣昔斗拱砌成極爲宏麗蓋虛董兩端以內府錢建西太乙宮又 能以其餘資建兩閣可謂能事 又寶塔下西爲善住閣其間有山中 四時小廳橫幅安樂高之類其結構皆明敞可寓稍西眇爲江湖偉觀 武林舊事孤山有西冷橋又名西村 搜采異聞錄都城酒肆皆 揭大帘於外以青白布數幅爲之或掛餅瓢葶葶時人多詠於詩

才到綸屏捧賜金茅檐曾憶淚雙淋紫衣中貴宣丞相
玉海金杵請點心

夢占類考趙雄徵時最貧母在無以卒歲夫婦對泣次日婦除拾銀一錠重二十五兩由此稍活後入相例賜白銀百錠既受而賦一錠將以 詣守藏吏夢左藏庫神告曰某年月日已允借用一錠覺而憶正婦除 得銀之月日也 吹劍錄孝宗詔每日常朝不必宣宰相名趙雄奏君 前臣名禮也上曰蘇洵嘗言名呼而進退之非所以禮貌大臣丞相不 必辭 宋稗類鈔趙溫叔丞相阜陵素蓄之且聞其善噉數倍常人會 史忠惠進玉海容酒三升一日問曰朕作點心相請命中貴捧 玉海賜酒至六七繼以金杵鉢籠放百枚遂食盡上爲之一笑

食經珍品過堂厨忘却家鄉椒數株書畫悅生別錄上空存屈角印葫蘆

黃耳錄天台桐草遠致色味必變乃并桐木致之買相供饌又賈師憲喜若溪鱗角趙興可造大盤養魚干頭作機使灌輸不停魚游泳自得數舟上下遞運不絕始豐冀賈氏族譜天台賈氏在宋為最盛余少在鄉里所聞而知者惟知漢州之奇有遺惠在鄉里蜀多美椒漢州解官歸攜其種蒔之其味辛烈不減節產至其別出之族有擁旌二鎮秉釣兩朝者益甚顯矣云云清河書畫仿賈似道留心書畫家藏名蹟多至千卷其宣和紹興秘府故物往往乞請得之其名蹟標題見於悅生別錄又賈師憲所藏書畫皆有古玉一字印相傳是封字又謂之屈角封乃長字也印大將及二寸其篆法用李陽冰新意體屈成文前無此體當是唐時所作又有悅生葫蘆印悅生賈堂名也古今法書苑神仙起居注思陵故物標綾上有曲腳封并悅生葫蘆印蓋似道柄國時御府珍秘多歸私家

泉布行都已號繁一時交鈔又番番鈔牌尙寫臨安府官券何來天市垣

南宋雜事詩卷一

美

錢譜高宗建炎通寶 建炎元寶 建炎重寶 紹興元寶 紹興通寶 孝宗隆興通寶 乾道元寶 淳熙元寶 光宗紹熙元寶 甯宗慶元通寶 嘉泰元寶 開禧元寶 開禧通寶 嘉定元寶 理宗大宋通寶 紹定通寶 端平元寶 端平通寶 嘉熙元寶 淳祐元寶 寶祐元寶 開慶元寶 景定元寶 度宗咸淳元寶 寶祐元寶 寶祐元寶 宋史紹興二十八年七月己卯命取公私銅器悉付鑄帝德祐元寶 宋史紹興二十八年七月己卯命取公私銅器悉付鑄造此以誘商旅為沿邊權買之計 至正直記宋季銅鑄牌長三寸有奇闊二寸大小各不同皆鑄臨安府三字而鑄錢貫文曰壹伯之等之類額有小篆貫以致連最便於民近有人收為鑄匙牌者亦罕得矣 二老堂雜志近歲用會子時官券耳不知何人目為楮幣遂入殿試御題若正言之猶紙錢也乃以為文何耶 桂巷小乘臨安天市垣耳宋高宗南遷 建都於此

家筵靜看無聲樂別館爭排鎮宅錢練得桃花繡甲隊 義兒相送上江船

三朝北盟會編醫官王繼先於宅傍叔一別館畜婦安名妓劉榮奴其子悅道則畜金盼盼父子聚應令妓女時作歌舞聞漏聲升退乃令妓女舞而不厭舉手頓足為戲名為啞樂於湖州善館別叔大第自都下 載見錢二十萬貫前往排聚謂之鎮宅錢 又陰義無賴惡小五百人

置桃花甲竹槍牌棒及刀劍等日夕訓練為殿中侍御史杜莘上言令編管福建居住子孫並勒停中興遺史張俊撫諭楚州王勝為中軍統制或譖勝欲殺俊後以事實勝送建康軍中自效後俊罷樞密勝潛至行在見韓世忠世忠具稟招醫師王繼先飲酒行世忠出勝拜繼先為父繼先見上言勝可大用遂有都統制之命王勝又名王黑龍林泉野記王進為張俊帳下提轄背印隨行軍中呼為背印王至是除御前諸軍都統制進不恤士卒惟厚結王繼先及內侍以久權士卒皆不喜之

洩水摩崖孰與詳吳山故牒閱星霜傳來翠墨人休笑 多少遺文在汴梁

曝書亭集詣壑巷觀磨崖書家人卦考葉紹翁四朝聞見錄吳自牧夢梁錄皆云石壁刊字出司馬溫公筆獨周密謂是唐人遺蹟後人于石旁刊右司馬溫公書六字其實非也家有宋鑑稱紹興六年十一月庚辰上諭大臣曰司馬光隸字正似漢人朕有五卷已夕置座右所書乃中庸與家人卦皆修身治國之道不特玩其字而已今磨崖所刊家人卦後難以樂記篇禮樂不可斯須去身至舉而措之百九十二言中庸道不遠人至無入而不自得焉百九十七言合乎宋鑑所載當是諸大臣問忠陵面諭請刊於石者此王參濟詩有云洩水崖碑半綠苔春遊誰問此山來也 拊掌錄紹興九年金歸我河南地商賈攜長安秦漢間碑刻求售於士大夫王錫老得一碑無一字可辨王獨稱賞不已

南宋雜事詩卷一

毛

客曰此何代碑王不能答客曰某知之是名沒字碑也一笑而散三茅甯壽觀石刻牒紹興二十年六月勅臨安府三茅堂可賜簡壽觀為額故

聖經賢史帝王資歲歲尋求詔有司試看獻書皆賜祿 莫教攔駕進歌詩

山堂肆考高宗渡江獻書有貴或官有家藏者命抵家就錄有鬻者即市之 朝野雜記乾道初有衢州進士毛日新者以上書補文學 宋元通鑑咸淳十年饒州布衣董聲應進諸史纂約兵鑑刑鑑詔充史館編校文字 南宋相眼駕過德壽宮回有台州進士宗汝夫余宋臣編素在望仙橋攔駕投進二黃冊文字為街司所驅馬過呼乃余臨安尹為激進乃萬世如見集其前太上慶壽歌頌其後乃追思上仙之辭刻板模印有旨 令毀板押出界

從來解額出前廊風雨青燈汲古堂聞道方州舉貢士 等閒香酒禱皮場

朱子大全文集今以逐州新定解額之半而又析其半為德行之科明立所舉德行之日註云如解額百人則以二十五人為德行科 須溪

記鈔汝古堂宋公子諸生國學之堂名也堂有井故名德祐鼎遷堂廢學亦廢矣成化杭州府志宋貢院在錢唐門外王家橋試一郡之士謂之方州貢士燕翼貽謀錄汴京試禮部者禱於二相廟二相者子游子夏也二子不知何以稱相今行都試士皆禱於皮場廟不知土人之禱起於何時皮場乃皮剝之所也

案廟在萬壽觀之農華館與貢院爲鄰

上人心折龍洲友湖海詩名姓氏芳並枕朱絲絃已斷 老娼休唱賀新郎

名蹟錄辛稼軒印曰六十一上人蓋破其姓文也鐵崖集龍洲劉公墓表先生名過字改之廬陵人宋以詩俠名湖海間陳亮陸游辛棄疾世稱人豪皆折氣岸與之交丞相周必大欲客之門下不就公常抗疏劉改之酒醒甲午預秋薦赴省試到建昌二更後有美人執拍來唱一曲侑酒云別酒未斟心已醉水天意令吾先送喜不審君侯知得未茶筵盡當際會德跳龍門三級水天意令吾先送喜不審君侯知得未茶筵博識巒桐聲君抱負却如是酒滿金盃來勸你劉與之偕至臨安果推第道士熊若水謂之曰隨車娘子非人也今夕竝枕吾於門外作法君當緊抱之勿令竄逸劉如所戒乃擁一琴耳龍洲詞賀新郎自跋云去年秋余試牒四明賦贈老娼至今天下並禁中皆歌之

南宋雜事詩卷一

天

敝衣蟲垢去邊陲九廟神靈已建基迎得鸞輿快活地 龍綃收淚定歌詩

山堂肆考宋道君北狩至五國城衣上見蟲呼爲琵琶蟲以其形似琵琶也弘簡錄洪皓居燕十五年會金大赦得還見秦檜語連日不止因述金人言景靈宮太廟土木以爲無意中原檜三朝北盟會編初皇太后與喬貴妃相敬爲姊妹而貴妃先遭遇慚焉太后亦得幸後北狩二人皆從及金人欲還太后也貴妃舉酒送行勸太后曰姊妹此歸兒兒即爲皇太后矣宜善自保重姊妹永無還期當死於此太后慟哭貴妃亦哭又曰姊妹到快活處莫忘了此中不快活太后曰不敢忘今日太后勸太后上入幄朝見宰臣及文武百官班幄外起居如儀如初瞻慈容喜深感極淚溼龍綃歸軍歡聲動天地太后進宮滿城土麻夾道簞觀皆以手加額太后入居於慈寧殿文武百官上表稱賀亦有獻賦頌雅歌稱美聖德者令中書舍人程敦厚第其高下敦厚以建昌軍進士章藻爲第一知正州張昌爲第二進士陸渙爲第三昌特轉一官進士免文解一次

虹光朗射天垂象鼎峙形成淮作邊送客津亭留不住 一心何願頌三千

劉嶽萬言書今年立春雷震大雪白虹貫日錢唐之地實天示象不可不修德以假之 吳仲萬言書兩國之勢未解鼎峙之形已分莫視疆場爲大輕莫任藩籬之太易 籍憤錄上皇在北遇阿計替出片紙上書紹興二字示之日此南朝新改年號以准爲界矣 趙丞相行狀公以和議不協罷相出守紹興首途之日秦倫乞備遺餞於津亭公相揖即登舟檣曰得旨錢送公曰議已不何留之有即叱舟師離岸而去 格齋四六賀壽皇云心一臣三千願紀嘉名於盛 際我百爾九十蓋申景命於前規用成語最切洽

漫彈雙韵唱如如簫鼓元宵擁繡裾好坐嘯臺恣雅博

莫因家學註蟲魚

癸辛雜志銀花高文虎婢善小唱五百餘曲又善雙韵彈五六十套以元宵時近點燈來因取古人詩句有銀花垂院榜又銀花無奈冷等句爲名時高已近七旬製獨多年賞此以侍湯藥後攜歸越 四朝聞見錄高疎寮居近城因城壘石曰南麓麓後高數級登汲於壘池之間皆淙涼環珮聲入方池池方四五尺臺三三於扇自簾之後登城爲層臺吹劍錄高內翰文虎作西湖放生池記以鳥獸魚鱉咸若作禹事其子疎寮作簪路以林和靖草泥行郭 素作杜詩父子皆爲博學強記所歎

空題御墨金纏餘不見軍容黑大蟲一等英雄沙草外

百家雜事卷二

三五

墓門殘碣臥松風

三朝北盟曾編李寶輿仁府乘氏人也少無賴號爲潑李敗金人於渤海廟 鶴林玉露上書忠勇李寶四字於金纏幹上賜焉 齊東野語畢再遇屢遷至統衛上將軍戰馬號黑大蟲獨主翁能御之既死以鐵絕羈之偶聞金鼓聲長嘶斷絙而出健卒十餘挽歸云將軍已死汝莫生事馬得耳汪然出涕長鳴數聲而死 萬歷杭州府志武義大夫吳進子武信軍節度使再遇墓並在西蔡進充州人建炎聞鱉江淮積階武義大夫再遇以恩補官屢有戰功擢至武信軍節度致仕卒年七十贈太師諡忠毅 案赤山準內有李忠勇公神道碑其墓在馮邵邑諸志皆不載

狀元局內士無雙單騎欣然犯敵幢一自明因辭國去

人傳劉洙在清江

文山全集舊例三魁唱名罷賜袍笏謝恩入幕賜御饌進謝恩詩出賜席帽於歲門上馬迎入期集所又名狀元局官給錢物供帳早筵等於此聚同年待賓客刊題名小錄賜問喜宴進謝宴詩如此者一月然後率榜下士詣闕謝恩請之門謝門謝後授初階狀元授承事郎簽書某軍節度判官廳事至後一科放進士榜則前一科狀元召入爲秘書省正字名曰對花召 又公平生警象奔以其危險制勝奇絕者命名曰

玉曆金鼎至單騎見敵為四十局勢圖悉識其出處始末玉曆益公所居山名也宋元通鑑德祐二年命文天祥同吳堅謝堂賈餘慶使元軍見伯顏於明因寺伯顏留公不遣回又文天祥至鎮江與其客杜謙等十二人夜亡天祥乃變姓名為清江劉洗東入海道又公子寶祐四年廷試第一榮明因寺臨平鎮尼刹也案癸辛雜志狀元局在祥符寺

金陵官省海波頽祝拜宮中香未灰笳鼓滿城馳鐵騎伯顏江上看潮回

山邨遺棄題宋宮觀湖園金堤既成事已非錢唐江上開皇畿離關王盤照東海貪看秋潮卷黍離中原不復民易主百萬貔貅宿沙者倚樓望潮潮不來大帝同歸一丘土輟耕錄元將伯顏遣人入臨安駐兵錢唐江沙上太皇太后望祝曰悔若有靈使汝濤大作一洗而空之湖竟三日不至宋元通鑑三月伯顏自湖州入臨安城建大將旗鼓率左右翼萬戶巡城觀潮於浙江又登獅子峯觀臨安形勝雲霧淡墨杭潮三日不至人謂天祐元真然伯顏英雄豈有不知錢江如出之濤宿兵其地宋之叛將降卒充極其辱自詭効忠豈不諫止濤之不至事或有之元兵必不駐此傳者文以為奇史臣襲之耳

遊北傳聞皆丙子渡江天意屬庚申酒人祇愛梅花好

踏遍孤山不計春

南宋雜事詩卷一

三

兩鈔摘泐宋少帝丙子三月北遊視聽抄宋少帝幸末九月二十八日申時生甲戌正月十一日登位號天端節丙子三月十七日北遊宋高祖劉裕丁亥生庚申即位國號宋先丙子停李王後凡七百二十年至趙太祖丁亥生庚申即位國號宋先丙子停李王後凡七百二十年至州山寺有趙王者嬉遊至寺憐其老且孤居一回回女子與之延禧七年四月十六夜生一子明宗適自北方來蚤行見寺上有龍文五采氣即物色得之因求為子并載其母以歸甘露園短書順帝即瀛國公稱合尊時所生之子元世祖以庚申立十五年而取宋順帝乳母以庚申生生十三年而取元又初文宗欲立順帝為皇太子順帝乳母言非帝子又言明宗亦自謂非其子遂齋居越江巨詞紀事續鈔劉靜修閱元俊宋乃賦渡江題梅曰西風吹落殿塵沙夢想西湖處士家曰恐江南春減猶去賦也案庚申帝史外聞見鈔權衡撥敘元順帝三十六年在位事謂之庚申帝帝徵詞也案通鑑博論甯王奉太祖詔編文直書為瀛國外婦之子綿延宋末六更之讖果其然與

南宋雜事詩卷一

